

# 1 Aka Abuumu

*Ntoora Nnyo Mi Bomo Goji Adam Rehng Eji Ebrahim*

*Nti Et'tohngo Nyi Bomo Eji Adam Rehng Eji Noa*

<sup>1</sup> Adam jele Sed, Sed jel Enos,

<sup>2</sup> Kenan jele Mahalalel, Mahalalel jel Jared,

<sup>3</sup> Enok jele Metusela, Metusela jel Lamek abola Noa

<sup>4</sup> Abon ba nlum ba Noa ba a: Sem, Ham, go Jafed.

*Et'tohngo Ji Jafed*

<sup>5</sup> Abon ba nlum ba Jafed ba a: Gomer, a Magog, Madai, Javan, Tubal, a Mesek go Tiras.

<sup>6</sup> Abon ba nlum ba Gomer ba a, Asikenas, Rifad go Togama.

<sup>7</sup> Abon ba nlum ba Javan ba a, Elisa, a Tasisi, a anebe Kitti go anebe Rodan.

*Et'tohngo Ji Ham*

<sup>8</sup> Abon ba nlum ba Ham ba a: Kusi, Mijraim, Pud a Kenan.

<sup>9</sup> Abon ba nlum ba Kusi ba a: Seba, Havila, Sabta, Raama, go Sebteka. Abon ba nlum ba Raama ba a: Seba abola Dedan.

<sup>10</sup> Kusi wo jolo nde no Nimrod, Nimrod ji ba jol ntahkuru anea nsoja go njini.

<sup>11</sup> Mijraim wo jolo nde no anebe Lud, a anebe Aram, anebe Lehab, anebe Naftuhim,

<sup>12</sup> a anebe Patrusi, a anebe (Kasilu boji anebe Filista lohng goji bo,) go anebe Kaptor

13 Kenan jolo nde no Sidon. Sidon wo jolo ngbokambang a mmon ewe no nlum, Kenan wo tob jol nde no a anebe Hiti,

14 a anebe Jebus, anebe Amon a anebe Girgas,

15 a anebe Hiv a anebe Arki a anebe Sin,

16 a anebe Avad, a anebe Jema go anebe Hamati.

17 Abon ba nlum ba Sem ba a: Elam, Asur, Afakjad, Lud go Aram. Abon ba nlum ba Aram ba a: Uj, Hul, Gateri go Mesek.

18 Afakjad wo jolo nde no Sela, Sela jol nde no Eber.

19 Bo jele abon ba nlum abal ka Eber, awohng bo jo gung-e mbing re Peleg, tibre ngare nyi á jolo elkpin wo anebe njini yabe no; mmonannyehn bo gung-e mbing re Joktan.

20 Joktan wo jolo nde no Almodad, Selef, Haja-mavete, go Jera,

21 á tob jolo nde no Hadoram, Ujal, Dikla,

22 Obal, Abimael, Seba,

23 Ofir, Havila go Jobab. Bo kpee jolo abon ba nlum ba Joktan.

24 Lohngo re nti et'tohngo nyi bomo go ji Sem rehng eji Ebrahim nyi a: Sem, Afakjad, Sela,

25 Eber Peleg, Reu,

26 Serug Nahor, Tera,

27 go Ebram ye ji li Ebrahim.

### *Ebanganahb ji Ebrahim*

28 Abon ba nlum ba Ebrahim ba a: Aisek abola Ismael.

### *Et'tohngo ji Haga*

<sup>29</sup> Anebe at'tohngo ebo ba a: Nabayod ng-bokambang a mmon no Ismael, Kedar, Adbeel, Mibsam,

<sup>30</sup> Misma, Duma, Massa, Hadad, Tema,

<sup>31</sup> Jetur, Nafis go Kedema. Bo ba jolo abon ba nlum ba Ismael.

### *Et'tohngo ji Ketura*

<sup>32</sup> Abon ba nlum ba Ketura nne elkanga Ebrahim jele no ba a: Jimran, Joksan, Medan, Midian, Isibak, go Sua. Abon ba Joksan ba a: Seba\* a Dedan.

<sup>33</sup> Abon Ba nlum ba Midian ba a: Efa, Efer, Hanok, Abida, go Eldaa. Ane baa kpee ba jolo anebe et'tohngo ji Ketura.

### *Et'tohngo ji Sera (Sira)*

<sup>34</sup> Ebrahim jolo nde no Aisik. Abon ba nlum ba Aisik, Eso abola Isreel.

### *Abon ba nlum ba Eso*

<sup>35</sup> Abon ba nlum ba Eso ba a: Elifasi, Rewel, Jewusi, Jalam go Kora.

<sup>36</sup> Abon ba nlum ba Elifasi ba a: Teman, Omar, Jefe, Gatam go Kenaj. Timna jele Amalek ka-e.†

<sup>37</sup> Abon ba nlum ba Rewel ba a: Nahati, Jera, Sama go Mija.

### *Anebe Seri ba jolo go Edom*

<sup>38</sup> Abon ba nlum ba Seri ba a: Lotan, Sobal, Jibeon, Ana, Disan, Ejer go Disan.

<sup>39</sup> Abon ba nlum ba Lotan ba a: Hori a Homam. Timna jolo mmonannyehn Lotan no nkal.

---

\* 1:32 1:32 † 1:36 1:36 en 36.12

<sup>40</sup> Abon ba nlum ba Sobal ba a: Alvan, Manahati, Ebal, Sefo, go Onam. Abon ba nlum ba Jibeon, ba a Ana.

<sup>41</sup> Mmon no nlum Ana, Dison wo. Abon ba nlum ba Dison ba a: Hemdan, Esiban, Itran, go Keran.

<sup>42</sup> Abon ba nlum ba Ejer ba a: Bilhan, Jaavan go Akan. Abon ba nlum Disan ba a: Uj, abola Aran.

### *Abafiladi go Edom*

<sup>43</sup> Atul ba a, ba kuumu go Edom nne awohng awohng kehm kuumu etul go Isreel: Bela mmon no nlum no Beyo, ye ji bo jo lung nfam ejahbe enye re Dinhaba

<sup>44</sup> Eji Bela kpo no, Jobab mmona Jera no nlum ji lohngo go Bojra wo ba kuumu etul ege a nji.

<sup>45</sup> Eji Jobab kpo no, Husam ji lohngo go ndi nyi anebe Teman wo ba kuumu etul go ege a nji.

<sup>46</sup> Eji Husam kpo no, Hadad mmon no Bedad, ye ji ga anebe Midia go ejahbe Moab, wo ba kuumu etul ege a nji. Nfam ejahbe enye bo jo lungu re Avid.

<sup>47</sup> Eji Hadad kpo no, Samla ji lohngo go Masireka, wo ba kuumu etul ege a nji.

<sup>48</sup> Eji Samla kpo no, Sawul ji lohngo go Rehobod go aya, wo ba kuumu etul go ege a nji.

<sup>49</sup> Eji Sawul kpo no, Baal-Hanan ji mmon no nlum no Akbo wo ba kuumu etul go ege a nji.

<sup>50</sup> Eji Baal-Hanan kpo no, Hadad wo ba kuumu etul go ege a nji. nfam ejahbe enye bo gungu mbing re Pau, fvfo nkal ewe bo jo lung-e re Mehetabel, mmon no nkal Matred ji jolo mmon no nkal no Me-Jahab no nkal.

<sup>51</sup> Eji Hadad tob kpo.

Atul ba Edom ba a: Timna, Alva, go Jeted,

<sup>52</sup> Oholibama, Ela, Pinon,

<sup>53</sup> Kenaj, Teman, Mibja,

<sup>54</sup> Magidiel, go Iram. Bo ba jolo atul ba Edom.

## 2

### *Abing Abon ba nlum ba Isreel Nya a*

<sup>1</sup> A wo li abon ba nlum ba Isreel: Ruben, Simon, Levi, Juda, Isaka, Jebulum,

<sup>2</sup> Dan, Josef, Benjamin, Naftali, Gad a Aser.

### *Et'tohngo Ji Juda Tete Rehng Go Et'tohngo Ji Hejron*

<sup>3</sup> Abon ba nlum ba Juda: Er, Onan a Sela, ane ara baa nnenkal a Kanan wo jele bo ka-e, ji jolo mmon no nkal no Sua. Er ji jolo ngbokambang a mmon no Juda, jolo eb'bi nsaba ala nne go ejang bi Jehova, owo wahnge Jehova wul-e no.

<sup>4</sup> Nkala mmon no nlum no Juda no bo jo lung-e re Tama jele Pereji a Jera ka Juda, Juda bele abon ba nlum alon kpee.

<sup>5</sup> Abon ba nlum ba Pereji ba a: Hesiron a Hamul.

<sup>6</sup> Abon ba nlum ba Jera ba a: Jimri, Etan, Heman, Kalkol a Darda, bo kpee jolo abon na alon.

<sup>7</sup> Abon ba nlum ba Karmi ba a: Akar ji ko ntong ba kunu Isreel, eji á ranng ntahm, nyi bungu re, nne k'rod nsol nyi bo ma yake ka Esowo.

<sup>8</sup> Mmon no nlum no Etan wo a: Ajaría.

<sup>9</sup> Abon ba nlum ba bo jele ka Hejiron ba a: Jerameel, Ram a Keleb.

*Nti Ebangenab Ji Ram*

<sup>10</sup> Ram wo jolo nde no Amminadab, fvfo Amminadab wo jolo nde no Nason, ye ji jolo ntubesi no anebe Juda.

<sup>11</sup> Nason wo jolo nde no Salmon, Salmon wo jolo nde no Boas.

<sup>12</sup> Boas wo jolo nde no Obed fvfo Obed jol nde no Jesse

<sup>13</sup> Jesse wo jolo nde no Eliab ji jolo ngbokambang a mmon no nlum, etoono mmon no nlum Abinadab, etoono abon ba nlum era Simea,

<sup>14</sup> go abon ba nlum na ani Netanel, go abon ba nlum na alon Raddi,

<sup>15</sup> go abon arakera Ojem, go abon asehma Devid.

<sup>16</sup> Abonannyehn ba nkal ba a, Jerua a Abigel. Abon ba nlum ara ba Jerua ba a: Abisai, Joab a Asahel

<sup>17</sup> Abigel wo jolo nnyehn no Amasa ji nde bo jo lung-e re Jeteri ji jolo nne a Isimel.

*Keleb mmon no nlum no Hejiron*

<sup>18</sup> Kaleb mmon no nlum no Hejiron, Ajuba nkal ewe jele abon ka-e, Jeriod tob jele abon ka-e. Abon Ajuba ba nlum ba a Jeser, Sobab a Ardon

<sup>19</sup> Eji Ajuba kpo no Kaleb ko Efrad, ye ji jele Hur ka-e.

<sup>20</sup> Hur wo jolo nde no Uri, fvfo Uri wo jolo nde no Bejalel.

<sup>21</sup> Eji jolo ano Hejiron, ji ma kang nya atahl ara, song ko mmon no nkal no Makir ji nde no Giled . Á limi elkoro a ne á jel Segub ka-e.

<sup>22</sup> Segub jolo nde no Jair, ye ji jo fili eltahl ejahbe ebra go Giled.

<sup>23</sup> (Wo Gesur a Aram noko ebta ko Havod Jar fvfo bo tob ko Kenad a ejahbe atahl ara nya jolo sennge bo kak:) Nyaa kpee jolo et'tohngo Makir nde no Giled

<sup>24</sup> Eji Hejiron kpo no go Kaleb Efrata, Abija nkal no Hejiron jele Asur ka-e, ye ji jolo nde no Tekoa.

### *Jerameel mmon no nlum no Hejiron*

<sup>25</sup> Abon ba nlum ba Jerameel ba a; ye ji jolo ngbokambang a mmon no nlum no Hejiron, Ram ngbokambang a mmon no nlum no Buna, Oren, Ojem go Ahija.

<sup>26</sup> Jerameel bele nkal noko no bo jo lung-e re Atara, á jolo nnyehn no Onam.

<sup>27</sup> Abon ba nlum ba Ram ji jolo ngbokambang a mmon no nlum no Jerameel ba a: Masi, Jamin a Eker.

<sup>28</sup> Abon ba nlum ba Onam ba a: Sammai a Jada. Abon ba nlum ba Sammai ba a: Nadab a Abisu.

<sup>29</sup> Nkal no Abisu bo jo lung-e re Abihel, ye ji jele Aban a Molid ka-e.

<sup>30</sup> Abon ba nlum ba Nadab ba a: Seled a Appaim, Seled kpoo mmon á jelem.

<sup>31</sup> Mmon no nlum no Appaim wo a: Isi ji jolo nde no Sesan. Sesan jolo nde no Alayi.

<sup>32</sup> Abon ba nlum ba Jada ji jolo mmonannyehn no Sammai ba a , Jeter a Jonatan, Jeter kpoo, mmon á jelem.

<sup>33</sup> Abon ba nlum ba Jonatan ba a: Pelet a Jaja, a wo li et'tohngo ji Jerameel.

<sup>34</sup> Sesan mmon no nlum á jelem, sehngem ba nkal ba ba. Á bele nlokeltum no lohng go Ijib no bo jo lung-e re Jara.

<sup>35</sup> Sesan ka Jara nlokeltum ewe mmon ewe no nkal á ko-e go elbal, á jel Ata ka-e.

<sup>36</sup> Ata wo jolo nde no Natan, Natan jol nde no Jabad,

<sup>37</sup> Jabad jol nde no Eflal, Eflal jol nde no Obed,

<sup>38</sup> Obed jol nde no Jehu, Jehu jol nde no Ajaria,

<sup>39</sup> Ajaria jol nde no Helesi, Helesi jol nde no Eleasa,

<sup>40</sup> Eleasa jol nde no Sisma, Sisma jol nde no Sallum,

<sup>41</sup> Sallum jol nde no Jekamia, Jekamia jol nde no Elisama.

### *Et'tohngo Ji Kaleb*

<sup>42</sup> Abon ba nlum ba Keleb ji jolo mmonan-nyehna Jerameel ba a: Mesa ji jolo ngbokam-banga mmon no nlum, ye ji jolo nde no Jif, fvfo mmon ewe Maresa ji jolo nde no Hebron.

<sup>43</sup> Abon ba nlum ba Hebron ba a: Kora, Tappua, Rekem a Sema.

<sup>44</sup> Sema jolo nde no Raham, fvfo Raham jol nde no Jokiyam. Rekem jol nde no Sammayi.

<sup>45</sup> Maon jolo mmon no Sammayi, fvfo Maon wo jolo nde no Beti-Jur.

<sup>46</sup> Nne elgoro Kaleb, Efa, wo jolo nnyehn no Haran, Moja a Gajeji. Haran wo jolo nde no Gajeji.

<sup>47</sup> Abon ba nlum ba Jada ba a: Regem Jotam, Gesam, Peleti, Efa a Saaf.

<sup>48</sup> Nne elgoro Keleb Maaka, wo jolo nnyehn no Seber a Tirana.

<sup>49</sup> Á tob jele Saaf, ji jolo nde no Madmana a Seva ji jolo nde no Makbena a Gibeá. Mmon no nkal no Keleb bo jo lung-e re Aksa.



<sup>50</sup> Ane baa tob jolo et'tohngo ji Kaleb. Abon ba Hur ji jolo ngbokambang mmon no Efrata; Sobal nde no Kiriad Jearim.

<sup>51</sup> Salma wo jolo nde no Betlehem a Haref ji jolo nde no Beti Gader.

<sup>52</sup> Et'tohngo ji Sobal ji jolo nde no Kiria Jearim ji a; Haroe, ejang anebe Manahata,

<sup>53</sup> a esi ejahbe nya Kiriad Jearim, anebe Itriti, Putiti, Sumati, a Misrati. A wo anebe Jara a anebe Esitaol lohng no.

<sup>54</sup> Et'tohngo ji Salma: Betlehem, Netofati, Atroti Beti Joab, ejang Manahati, Jorit,

<sup>55</sup> asi ajahbe nya abanyonawer ba lene go Jabesi: Anebe Tirati, Simeati a Sukati. A wo li anebe Kenit ba lohng go ebangenahb ji Hammad, nde no Rekab.

### 3

#### *Abon ba nlum ba David*

<sup>1</sup> A wo li abon ba nlum ba David ba bo jele bo go Hebron: ngbokambang a mmon bo jo lung-e re Amnon, mmon no Ahinoam ji Jijireel, etoono Daniel mmon no Abigel ji lohng go Karmel.

<sup>2</sup> Etoono abon ara, Absalom mmon no Maaka ji jolo mmon no nkal no Talma ntul no Gesur, etoono abon ani, Adonija mmon no Haggid,

<sup>3</sup> go abon alon Sefatiya mmon no Abital, abon arekara, Itram ji Egla jele no.

<sup>4</sup> Abon baa na arekara ba bo jele no ka David go Hebron, eji á jo fili edi go nnya esehma kunu nnyahng erakera. David jolo go Jeruselem jo fili edi ana ntul, eltahl a nnya ewubu a nnya era 33,

<sup>5</sup> abon ba a ba bo jele ka-e o: Sammua, Sobab, Natan a Solomon, abon ani baa Batseba mmon no nkal no Ammiel wo jele bo.

<sup>6</sup> David tob jele Ibhar, Elisua, Elifeled,

<sup>7</sup> Noga, Nefe, Jafia,

<sup>8</sup> Elisama, Eliada a Elifeled bo jolo ane asehmwubu

<sup>9</sup> Bo kpee jolo abon ba David, abon ba nkoro enye a wobem: Fvfo Tama jolo mmonannyehn bo no nkal.

### *Atul ba Juda*

<sup>10</sup> Mmon no nlum no Solomon wo a Rehoboam, Rehoboam jele Abija, Abija jel Asa, Asa jel Jehosafat,

<sup>11</sup> Jehosafat jel Jehoram, Jehoram jel Ahajia, Ahajia jel Joasi,

<sup>12</sup> Joasi jel Amajia, Amajia jel Ajaria, Ajaria jel Jotam,

<sup>13</sup> Jotam jel Ahasi, Ahasi jel Hejekiya, Hejekiya jel Manasse,

<sup>14</sup> Manase jel Amon, Amon jel Josia.

<sup>15</sup> Abon ba nlum ba Josia ba a: Johanan ngbokambanga mmon, Jehoakim etoono mmon, Jedekia etoono abon ara Sallum etoono abon ani.

<sup>16</sup> Ane ba kuumu etul toono Jehoakim: Jehoiasin mmon ewe no nlum, a Jedekiya.

### *Et'tohngo Etul eji bo kehnge Eju*

<sup>17</sup> Et'tohngo ji Jehoiasin ji bo bob-e kak ngbekobo go Bebylon: Seltiel mmon ewe no nlum,

<sup>18</sup> Malkiram, Pedaya, Senajar, Jekamiya, Hosama a Nedabiya.

<sup>19</sup> Abon ba nlum ba Pedaya ba a: Jerubabel a Simei. Abon ba nlum ba Jerubbabel, Mesullam a Hanania. Selomid wo jolo mmonannyeahn bo no nkal.

<sup>20</sup> Ane alon fvfo tob jolo o: Hasuba, Ohel, Berekiya, Hasadia a Jusab-Hesed.

<sup>21</sup> Et'tohngo ji Hananiya: Pelatia a Jesaya, fvfo abon ba nlum ba Refaya ji Arnan, ji Obadiya a ji Sekaniya.

<sup>22</sup> Abon ba nlum ba Sekaniya: Semaya a abon ebe ba nlum: Hattusi, Igal, Bariya, Neariya a Safati. Bo jolo ane arakera kpe kpe.

<sup>23</sup> Abon ba nlum ba Neariya: Elioenai, Hijikia a Ajirikam. Bo jolo ane ara kpe kpe.

<sup>24</sup> Abon ba nlum ba Elioenai: Hodavia, Eliasib, Pelaya, Akub, Johana, Delaya a Anani - Bo jolo ane asehma kpe kpe.

## 4

### *Abon Ba Nlum Ba Juda*

<sup>1</sup> Abon ba nlum ba Juda: Peres, Hejron, Karmi, Hur a Sobal.

<sup>2</sup> Renia mmona Sobal no nlum wo jolo nde no Jahad fvfo Jahad jol nde no Ahumia a Lahad. A wo li abangenahb nya Joratid.

<sup>3</sup> A wo li abon ba nlum ba Etam: Jejreel, Isma a Idbas. Mmonannyeahn no nkal bo jo lung-e re Hejjelelponi.

<sup>4</sup> Penuel wo jolo nde no Gedor, a Ejer ji jolo nde no Husa. A wo li abon ba nlum ba Hur, ngbokambang a mmon no nlum no Efrata ji jolo nde no Betlehem.

<sup>5</sup> Asur nde no Tekoa bele akal abal, Hela a Naara.

<sup>6</sup> Naara jele abon baa ka-e: Ahujam, Hefer, Temeni a Ahaahastari, a wo jolo abon ba nlum ba Naara.

<sup>7</sup> Abon ba nlum be Hela ba a: Jered, Johar, Etnan,

<sup>8</sup> a Koj, ji jolo nde no Anub a Hajobeba ji lohng go et'tohngo ji Ahahel mmon no nlum no Harum.

<sup>9</sup> Jabes bo jo kpun-e sehng e abonannyehn bako, nnyehn gung-e mbing re Jabes ji bungu re, n jel-e go eyam.

<sup>10</sup> Jabes lingi tob Esowo bi Isreel. re Oh, li re a bahk-m fuulu fere nyanng e edi eljolo ejame, Nong ebo eba jol aname wo fere yehk-m go nfem anyehng anyehng eji n l'jo for go atongtong anyehng anyehng, ano wo Esowo wuku ero ebe.

<sup>11</sup> Kelub mmonannyehn Suha no nlum wo jolo nde no Mehiri ji jolo nde no Eston.

<sup>12</sup> Eston wo jolo nde no Bet Rafa, Pasea a Tehinna jol nde no Ir Nahas. A wo jolo aneblum ba Reka.

<sup>13</sup> Abon ba nlum ba Kenas ba a: Otniel a Seraya. Abon ba nlum ba Otniel: Hata a Meonata.

<sup>14</sup> Meonata wo jolo nde no Ofra. Sera wo jolo nde no Joab, nde no Ge Harasim. Bo jo lungu bo ano tibere ane ba lene o bele abo ntum.

<sup>15</sup> Abon ba nlum ba Kaleb ji jolo mmon no Jefunne ba a: Iru, Eta a Naam Mmon no nlum no Ela: Kenas.

<sup>16</sup> Abon ba nlum ba Jehallel ba a: Jif, Jifa, Tiria a Asarel.

<sup>17</sup> Abon ba nlum ba Ejra ba a: Jeter, Mered, Efer a Jalon. Nkal awohng no Mered jele Miriam,

Sammayi a Isba ji jolo nde no Estemoa.

<sup>18</sup> Nkal ewe lohng go et'tohng ji Juda jele Jered ji jolo nde no Gedor, Heber nde no Soko a Jekutiel ji jolo nde no Janoa A wo jolo abon ba mmon no nkal no Faro Bitia, no Mered baang-e no.

<sup>19</sup> Abon ba nkala Hodia mmonannyehn no nkal no Naham, nde no Keyila ji Garam, a Estemoa ji anebe Maakatie.

<sup>20</sup> Abon ba nlum ba Simon ba a: Amnon, Rinna, Ben-Hanan a Tilon. Et'tohngo ji Isi: Johed a Ben-Johed.

<sup>21</sup> Abon ba nlum ba Sela mmon no nlum no Juda: Er, ne no Leka, Laada nde no Maresa bo ji lohng go ejang bi kpo lim eltum ni akpawobo go Bet-Asbea,

<sup>22</sup> Jokim, aneblum ba Koaseba, Joas go Saraf bo ji jo fili Moab a Jasubi Lehem Nsol nyi bo nyono no bum lohng go nk'kulu a ngare.

<sup>23</sup> Aba tohko nsol toko ba lene go Netaim a Gedera. Bo jolo o jo lim eltum ka ntul.

### *Et'tohngo Ji Simon*

<sup>24</sup> Abon ba nlum ba Simon: Nemuel, Jamin, Jarib, Jera a Saul.

<sup>25</sup> Sallum jolo mmon no nlum no Sol, Mibsam jolo mmon no nlum no Sallum, Misma mmon no nlum no Mibsam.

<sup>26</sup> Abon ba nlum ba Misma: Hammuel jolo mmon nlum no Misma, Jakkur mmon no nlum no Hammuel, fvfo Simej mmon no nlum no Jakkur.

<sup>27</sup> Simej bele abon ba nlum elkua mmon awohng '16' a abon arakera ba nkal '6', wo abo-nanyehn belem abon gbalee, fvfo abangenahb ebo kpee jolem go nrur ana anebe Juda.

28 Bo lene go Beerseba a Molada, Hajar Sual,

29 Bilha, Ejem, Tolad,

30 Betuel, Horma, Jiklag,

31 Bet Markabot, Hajar Susim, Bet Biri, a Saaraim, a wo jolo nfam ajahbe ebo tete David ba jol ntul

32 Abon ajahbe ba jolo seennge bo ba a, Etam, Ain, Rimmon, Tokem a Asan, jolo ejahbe eblon.

33 fvfo kpee ajahbe nya jolo seennge abona ajahbe tete rehng go Baalad jolo adi nya bo lene no fvfo bo bumu nwer nyi tibi ana bo lohng no.

34 Mesobab, Jamlek, Josa ji mmon no nlum no Amajia,

35 Joel a Jehu ji mmon no nlum no Josibia, ji mmon no nlum no Sera ji mmon no nlum no Asiel,

36 fvfo Elioyenai, Jaakoba, Jesohaya, Asaya, Adiel, Jesimiel, Benia,

37 a Jija ji mmon no nlum no Sifi, Sifi mmon no nlum no Allon, Allon ji mmon no nlum no Jeddia, Jeddia mmon no nlum no Simri, Simri mmon no nlum no Semia.

38 Aneblum ba bo gamme bo o jolo atubesi go bo abangenahb, abangenahb ebo gbale gbalee.

39 Bo tahme go n kpe nyi Gedor go ejang edamme jo seb ajele nya bo bahke jo ka atohko ndi ebo.

40 Bo nyehne nnooba ndi nyi nlak, go ajele fvfo ndi nyio gb'gbal, jolo soom fere n'nob. Anebe Hamid ebtokho lene o.

41 Ane ba abing ebo, bo gamme no ba ngare nyi Hejekia ntul no Juda. Bo noko a anebe Ham go ebo adi nya bo jolo no, fvfo a anebe Meunid ba

jolo o, ranng'e bo kpe kpe ana e jum ji kp'tibi tete lela, wo bo fere jolo go bo a ndi, tibre ajele jolo ka atohko ndi ebo.

<sup>42</sup> Ane atahltahl atahl alon ba Simeon, bo ji Pelatia, Nearia, Rafia a Ujjiel, ji mmon no nlum no Isis koo bo ba ranng'e ejahbe ewong ji Seir.

<sup>43</sup> Bo wulu anebe Amalek ba be no, fere jol o tete lela.

## 5

### *Et'tohngo Ji Reben*

<sup>1</sup> Ruben wo jolo ngbokambang a mmon no Isreel. (Etingitingi, wo eji á noongo nkala nde,) eji á limi ano á ranng'e edi elnong nde, ejum ji jolo ka-e ana ngbokambang mmon no nlum, bo fere feere ka abon ba nlum ba Josef mmon no nlum no Isreel. Eji jolo ano Ruben bo we-e fangem kak go nwer nyi tibi ana bo lohng no go eyake ji elkv alehke ana ngbokambang mmon no nlum,

<sup>2</sup> tvtv re Juda jolo etahntahn nne go ellong abonannyehn, fvfo ntubesi jo lohngo go ege, ejum ji jo jol ka ngbokambang a mmon no nlum, bo jo ka tiki ka Josef.)

<sup>3</sup> Abon ba nlum ba Ruben ji jolo ngbokambang a mmon no nlum no Isreel jolo: Hanok, Pallu, Hejiron a Karmi.

<sup>4</sup> Abon ba nlum ba Joel: Semaia mmon ewe no nlum, Gog jolo mmon no nlum no Semaia, Simei jolo mmon no nlum no Gog,

<sup>5</sup> Mika jolo mmon no nlum no Simei, Reaia mmon no nlum no Mika, Baal mmon no nlum no Reaia,

<sup>6</sup> a Beera mmon no nlum no Baal, Beera wo jolo ntubesi no anebe Ruben. Tigla-Pileser ntula Assiria bobo Beera song kak eju go ejahbe ji ndiki.

<sup>7</sup> Abonanyehn ebo, ba bo kake abing ebo go awer go ebangenahb ebangenahb, ana bo nyono kak nwer jo tib ana ebangenahb ebo li no: Jeil ji ntubesi, Jekaria,

<sup>8</sup> fvfo Bela mmon no nlum no Ajaji ji jolo mmon no nlum no Sema ji jolo mmon no nlum no Joel. Bo kpee jolo ejang bi bomo go Aroer rehng go Nebo a Baal Meon.

<sup>9</sup> Go ero nfam bo jolo go ndi nyio tete rehng go nkpe ewum wum ndi nyi nyange rehng go aya Uferetis, tibre atohko ndi ebo r'ru go Gilead.

<sup>10</sup> Ngare nyi Sol jo fili edi, bo noko ebta a ane ba lohng go et'tohngo ji Reuben, ga bo fere ko adi ellene nya Hagriti kpee go erohko ejang ero nfam bi Gilead.

### *E'tohngo ji Gad*

<sup>11</sup> Anebe Gad lene kohlo bo go Basan, tete rehng go Saleka:

<sup>12</sup> Joel wo jolo ntubesi, Safam jol etoono, go Janayi a Safad bo lene go Basan.

<sup>13</sup> Abonanyehn ebo go ebangenahb ba a: Mikael, Mesullam, Seba, Jorai, Jakan, Jia a Eber, kpee jolo nnahb esehma.

<sup>14</sup> A wo li abon ba nlum ba Abihail, Abihail mmon no nlum no Huri. Huri ji jolo mmon no nlum no Jaroa, Jaroa mmon no nlum no Gilead, Gilead mmon no nlum no Mikael, Mikael mmon no nlum no Jesisai, Jesisa mmon no nlum no Jado, Jado mmon no nlum no Busi.



<sup>15</sup> Ahi jolo mmon no nlum no Abdiel, ye ji jele Guni wo jolo ntubesi no ehangenahb ebo.

<sup>16</sup> Anebe Gad lene go Gilead ji Basan a abon ajahbe go adi enyam aleke go Saron tete rehng ana bo nyange no.

<sup>17</sup> Bo kpee kake abing ebo go nwer nyi tibi at'tohngo ebo, ngare nyi Jotam ntul no Juda a Jeroboam ntul no Isreel.

<sup>18</sup> Anebe Ruben, Anebe Gad a ejang et'tohngo ji Manase bo bele aneblum ba jolo atahl alon alon nkpel atahltahl a nkpel atahl abal a nkpel esehma kunu ane atahl ara '44,760,' ba jolo ka eltum nsoja, aneblum ba bele agubjing nya bahke ma jo fili ekum a ekahngkahng, ba bahke ma fili elban, ba bo ma tib bo ana bo bahke jo nok nta.

<sup>19</sup> Bo noko ebta a anebe Hagrid, Jetur, Nafisi a anebe, Nodab.

<sup>20</sup> Esowo kake bo ebo nok ka bo, fere yake anebe Hagrid a ane kpee ba kpa njahm a bo, á kak bo go ebo abo, tibre bo lingi tob-e go ngare ebta. A faange aro ebo, tibre bo yehke ntim ebo kun-e.\*

<sup>21</sup> Atohko ndi nya bo taare anabe Hagrid jolo akamel atahl alon alon nkpel atahltahl atahl awubu, '50,00,' ejoro jolo atahl alon alon nkpel atahltahl nkpel erakera kunu ejoro atahl alon, '250,000' ebvankang jolo atahl alon alon go nkpel eltahl, '2,000,' bo tob bobo ane atahl alon alon nkpel atahltahl nkpel ebal atahl awubu '100,000' song kak eju,

<sup>22</sup> egom jehko gbalee bo wul bo, tibre ebta jolo bi Esowo. Bo ko ndia bo fere sa jol o, tete ana bo

---

\* 5:20 5:20 bum-e go etingitingi

jolo go eju.

*Ejang Et'tohngo ji Manase*

<sup>23</sup> Ane ba ejang et'tohngo ji Manase ruru sehng, bo lene bomo go ndi nyi Basan rehng go Baal Hamon, a Senir Ewong Hamon.

<sup>24</sup> A wo li atubesi ba abangenahb ebo: Efer, Isi, Eliel, Ajirel, Jeremaya, Hodavia a Jadiel, bo jolo atakuru, atahntahn aneblum atubesi go ebo abangenahb.

<sup>25</sup> Wo bo belem ekakesehk go ejang bi Esowo bi babnde ebo, bo jo kake asowo nya ane ba lene go ndi nyio, bo ji Esowo ma ranng bo.

<sup>26</sup> Ana wo Esowo bi Isreel kehm melle etohko ji Pul ntula Assiria ye ji tob li Tigla-Pileseser ntul no Assiria, ye wo ba bob anebe Ruben, anebe Gad a ejang et'tohngo ji Manase tahm a bo song kak eju, Á rodo bo tahm go Hala, Habo, Hara go ejang aya ma Gojan, o wo bo li no tete tub lela.

## 6

*Et'tohngo ji Levi*

<sup>1</sup> Abon ba nlum ba Levi ba a: Garson, Kohati a Merari.

<sup>2</sup> Abon ba nlum ba Kohati ba a: Amram, Ijar, Hebron a Ujiel.

<sup>3</sup> Abon ba Amram ba a: Eron, Mosis a Miriam. Abon ba nlum ba Aaron ba a: Nadab, Abihu, Eleaja a Itamar.

<sup>4</sup> Eleaja wo jolo nde no Finehasi, Finehasi jol nde no Abisua,

<sup>5</sup> Abisua jol nde no Bukki, Bukki jol nde no Uji,

<sup>6</sup> Uji jol nde no Jerahia, Jerahia jol nde no Merayoti,

<sup>7</sup> Merayoti jol nde no Amaria, Amaria jol nde no Ahitub,

<sup>8</sup> Ahitub jol nde no Jadok, Jadok jol nde no Ahimaaji,

<sup>9</sup> Ahimaaji jol nde no Ajaria, Ajaria jol nde no Johanan,

<sup>10</sup> Johanan jol nde no Ajaria, ye wo jo loko ana nlimanjom go etahk Esowo ji Solomon si no go Jeusalem,

<sup>11</sup> Ajaria jol nde no Amaria, Amaria jol nde no Ahitub,

<sup>12</sup> Ahitub jol nde no Jadok, Jadok jol nde no Sallum,

<sup>13</sup> Sallum jol nde no Hilkia, Hilkia jol nde no Ajaria,

<sup>14</sup> Ajaria jol nde no Seria, Seria jol nde no Jojadak.

<sup>15</sup> Jojadak yele eju, ngare nyi Jehova yake Juda a Jeruselem kak go abo nya Nebukadnajar bo jol aju.

<sup>16</sup> Abon ba nlum ba Levi ba a: Gason, Kohati a Merari.

<sup>17</sup> A wo li abing abon ba Geson: Libni a Sime.

<sup>18</sup> Abon ba nlum ba Kohati: Amram, Ijar, Hebron a Uziel.

<sup>19</sup> Abon ba nlum ba Merari ba a: Mali a Musi. A wo li asi ajahbe nya anebe Levi nya bo nyono toono babnde bo:

<sup>20</sup> Gerson wo jolo nde no Libni: Jahati mmon no nlum no Libni, Jimma mmon no nlum no Jahati,

<sup>21</sup> Joa wo jolo mmon no nlum no Jimma, Iddo

mmon no nlum no Joa, Jera mmon no nlum no Iddo fvfo Jeaterai mmon no nlum no Jera.

<sup>22</sup> Et'tohngo ji Kohati ji a: Amminadab mmon no nlum no Kohati, Assir mmon no nlum no Kora,

<sup>23</sup> Elkana mmon no nlum no Assir, Ebiasaf mmon no nlum no Elkana, Assir mmon no nlum no Ebiasaf,

<sup>24</sup> Tahad mmon no nlum no Assir, Uriel mmon no nlum no Tahad, Ujjia mmon no nlum no Uriel, go Saul mmon no nlum no Ujjia.

<sup>25</sup> Abon ba nlum ba Elkana ba a: Amasai abola Ahimod, mmon ewe no nlum: Amasai wo jolo nde no Ahimod,

<sup>26</sup> go Elkana mmon no nlum no Ahimod, Jofai mmon no nlum no Elkana, Nahad mmon no nlum no Jofai,

<sup>27</sup> Eliab mmon no nlum no Nahad, Jeroham mmon no nlum no Eliab, Elkana mmon no nlum no Jeroham a Samwel mmon no nlum no Elkana.

<sup>28</sup> Abon ba nlum ba Samwel ba a: Joel ng-bokambanga mmon go Abija etoono mmon no nlum.

<sup>29</sup> Go ebangenahb ji Merari, Mali mmon ewe no nlum: Libni mmon no nlum no Mali, Simeï mmon no nlum no Libni, Ujjia mmon no nlum no Simeï,

<sup>30</sup> Simea mmon no nlum no Ujjia, Haggia mmon no nlum no Simea, a Asaia jol mmon no nlum no Haggia.

### *Anebe Levi Ba Jo Yimase Go Etahk Esowo*

<sup>31</sup> A wo li anebe Levi ba David ka bo eltum ase a yimi go etahk ji Jehova eji elkohl atahm Esowo ba no.

<sup>32</sup> Bo jo yimi ase go mbuksong ebkpatahk elwahne ni li saang, tete Solomon si etahk Esowo ji Jehova go Jeusalem, bo jo limi ntum ebo jang jang ana bo tongo bo re bo lim.

<sup>33</sup> A wo li aneblem ba jo lim eltum a abon ebo ba nlum:

Go ebangenahb Kohad, Heman wo jolo ntube-sia nyimase, á jolo mmon no nlum no Joel, Joel mmon no nlum no Samwel,

<sup>34</sup> Samwel mmon no nlum no Elkana, Elkana mmon no nlum no Jeroham, Jeroham mmon no nlum no Eliel, Eliel mmon no nlum no Toa,

<sup>35</sup> Toa Mmon no nlum no Juf, Juf mmon no nlum no Elkana, Elkana mmon no nlum no Mahad, Mahad mmon no nlum no Amasai,

<sup>36</sup> Amasai mmon no nlum no Elkana, Elkana mmon no nlum no Joel, Joel mmon no nlum no Ajaria, Ajaria mmon no nlum no Jefania,

<sup>37</sup> Jefania mmon no nlum no Tahad, Tahad mmon no nlum no Assir, Assir mmon no nlum no Ebiasaf, Ebiasaf mmon no nlum no Korad,

<sup>38</sup> Korad mmon no nlum no Ijar, Ijar mmon no nlum no Kohad, Kohad mmon no nlum no Levi, fvfo Levi mmon no nlum no Isreel,

<sup>39</sup> Heman bele ekunu ji bo jo lung-e re Asaf ye ji jo yiimi go ejang eboblum bi Heman lok-e. Asaf mmon no nlum no Berekia, Berekia mmon no nlum no Simea,

<sup>40</sup> Simea mmon no nlum no Mikal, Mikal mmon no nlum no Baasea, Baasea mmon no nlum no Malkija,

<sup>41</sup> Malkija mmon no nlum no Etini, Etini mmon no nlum no Jera, Jera mmon no nlum no Adaia,

<sup>42</sup> Adaia mmon no nlum no Etan, Etan mmon no nlum no Jimma, Jimma mmon no nlum no Simei,

<sup>43</sup> Simei wo jolo mmon no nlum no Jahad, Jahad mmon no nlum no Gerson, fvfo Gerson mmon no nlum no Levi,

<sup>44</sup> Ethan ji lohng go esi ejahbe ji Merari wo jolo ntubesi ayimi ase go etoono ane are. Anebe ebangenahb eje bo jo lungu bo re: Etan mmon no nlum no Kisi, Kisi mmon no nlum no Abdi, Abdi mmon no nlum no Malluk,

<sup>45</sup> Malluk wo jolo mmon no nlum no Hasabia, Hasabia mmon no nlum no Amajia, Amajia mmon no nlum no Hilkia,

<sup>46</sup> Hilkia wo jolo mmon no nlum no Amji, Amji mmon no nlum no Bani, Bani mmon no nlum no Semer,

<sup>47</sup> Semer jolo mmon no nlum no Mali, Mali mmon no nlum no Musi, Musi mmon no nlum no Merari, Merari mmon no nlum no Levi,

<sup>48</sup> Anebe Levi bako bo ka bo ntum nyehko go ebkpatahk etahk Esowo.

<sup>49</sup> Wo Eron a et'tohngo eje bo ba jolo ka ajom alimi go egudu ji bo kpo jahm njom fi, a egudu ji bo kpo jahm insen fi, go nsol nyehko kpee nyi li ka Edi ji Sahb L'li Saang, jo gongo ka Isreel, jang jang ana Mosis nlokeltum Esowo tibi bo.

<sup>50</sup> A wo li abon ba nlum ba Eron: Eleaja mmon no nlum no Eron, Pinehas mmon no nlum no Eleaja, Abisua mmon no nlum no Pinehas,

<sup>51</sup> Bukki wo jolo mmon no nlum no Abisua, Uji mmon no nlum no Bukki, Jerahia mmon no nlum no Uji,

<sup>52</sup> Merayod wo jolo mmon no nlum no Jerahia, Amaria mmon no nlum no Merayod, Ahitub mmon no nlum no Amaria,

<sup>53</sup> Jadok jolo mmon no nlum no Ahitub fvfo Ahimaaji jol mmon no nlum no Jadok.

<sup>54</sup> A wo li adi nlene bo, nya bo ka bo ana edi ebo, bo ka et'tohngo ji Eron bo ji lohng go ejahbe Kohad tibre ngbokambang a mbake jolo ka bo,

<sup>55</sup> bo ka bo Hebron go ajang ajahbe nya Juda a adi ajele nya jolo sennge bo kak.

<sup>56</sup> wo adi ajele a aroko ajahbe nya jolo sennge nfam nyio bo ka Keleb mmon no nlum no Jefune.

<sup>57</sup> Ano wo bo ka et'tohngo ji Eron, Hebron ejahbe ji elbeke elbiiri a Libna, Jatir, Estemoa,

<sup>58</sup> Hilen, Debir,

<sup>59</sup> bo tob ko Asan, Jutta a Bet Semes, budu adi njele ebo.

<sup>60</sup> Go ebangennahb ji Benjamin bo ka bo Gibion, Geba, Aledmed a Anatod a adi njele ebo. Kpee ajahbe nya bo bake no ka anebe Kohad jolo ewubu ejahbe ebra.

<sup>61</sup> Erik et'tohngo ji Kohad bo ka bo ejahbe ebwubu go ajahbe nya ejang ebangennahb ji Manase.

<sup>62</sup> Et'tohngo ji Gerson, ejahbe ejahbe, bo ka bo ewubu ejahbe era go et'tohngo ji Issaka, Aser a Naftali a ejang et'tohngo ji Manase ji li go Basan.

<sup>63</sup> Et'tohngo ji Merari, esi ejahbe esi ejahbe, bo ka bo ewubu ejahbe abal go et'tohngo ji Ruben, Gad a Jebulun.

<sup>64</sup> Ano wo abone Isreel ka anebe Levi ajahbe, a edi ajele ebo.

<sup>65</sup> Go et'tohngo ji Juda, Simion a Benjamin bo ka bo go ajahbe nya bo ma tohko gamme abing.

<sup>66</sup> Anebe Kohad bandiki bo ka bo adi ellene a adi ajele, go ndi nyi et'tohngo ji Efreim.

<sup>67</sup> Go ejahbe ewong Efriim bo ka bo Sekem ejahbe elbiiri a Gejer,

<sup>68</sup> Jokmem, Beti Horon,

<sup>69</sup> Ajalon a Gati Rimmon, a edi ajele ebo.

<sup>70</sup> Go ejang ebangenahb ji Manase, anebe Isreel ka erik anebe Kohad, Aner a Bilem, go edi ajele ebo.

<sup>71</sup> Anebe Gerson bo ka bo: adi ellene ebo go ejang et'tohngo ji Manase, Golan ji Basan a Astorad a edi ajele ebo.

<sup>72</sup> Go et'tohngo ji Issakar bo ko Kedes, Daberati,

<sup>73</sup> Ramod, a Anem a edi ajele ebo.

<sup>74</sup> Go et'tohngo ji Aser bo ka bo Masal, Abdon a edi ajele,

<sup>75</sup> Hukok a Rehob a edi ajele ebo;

<sup>76</sup> Go et'tohngo ji Naftali, bo ka bo Kedesi ji Galilee, Hamon a Kiriatham, a edi ajele ebo.

<sup>77</sup> Anebe Merari erik anebe Levi, ka bo ndi nyia: Go et'tohngo ji Jebulun bo ka bo Jokneam, Karta, Rimmono a Tabo, a edi ajele ebo.

<sup>78</sup> Go et'tohngo ji Ruben sehng go aya Jodan ero bi Jeriko bo ka bo Bejer go ewumwum ndia Jaja,

<sup>79</sup> Kedemod a Mefaad, a edi ajele ebo;

<sup>80</sup> fvfo go et'tohngo ji Gad bo ka bo Ramod ji Gilead, Mahanam,

<sup>81</sup> Hesibon a Jajer, a edi ajele ebo.

## 7

*Et'tohngo ji Isaka*



<sup>1</sup> Abon ba nlum ba Issakar ba a: Tola, Pua, Jasub a Simron, bo ane ani kpe kpe kpee.

<sup>2</sup> Abon ba nlum ba Tola ba a: Uji, Refaya, Jeriel, Jamai, Ibsam a Samuel bo ba li atubesi ebangenahb ebo. Ngare nyi David jolo Ntul, et'tohngo ji Tola abanoko nta, ba bo kake bo abing go awer ebangenahb, bo jolo ane atahl alon alon nkpel atahl awubu a etahla nkpel erakera. '22,600.'

<sup>3</sup> Mmon no nlum no Uji wo a: Ijiraiya. Abon ba nlum ba Ijiraiya ba a: Mikel, Obadia, Joel a Isia. Bo ane alon, bo jolo atubesi ba ebangenahb.

<sup>4</sup> Ana bo nyono go nwer ebangenahb ebo, bo jolo aneblum atahl alon alon nkpel atahlku, budu ane atahlara. '36,000' ba ma rehng go ebta anoko, tibire bo bele akal gbalee a abon abon.

<sup>5</sup> Abonannyehn ebo, ba jolo abanoko nta ba jolo ka ebangenahb ji Isaka, ana bo nyono go nwer ebangenahb ebo bo jolo aneblum atahl alon alon nkpel atahltahl nkpel ebal budu ane atahlara ane awubu. '87,000' kpe kpe kpee.

### *Ebangenahb ji Benjamin*

<sup>6</sup> Abon ba nlum ara ba Benjamin ba a: Bela, Beker a Jedayel.

<sup>7</sup> Abon ba nlum ba Bela ba a, Ejibon, Uji, Ujiel, Jerimoti a Iri, bo jolo ane alon kpe kpe kpee, bo ba jolo atubesi ebo ebangenahb. Ana bo nyono go nwer ebangenahb, bo jolo aneblum atahl alon alon nkpel atahl ewubu ane eltahla budu eltahl ane awubu ane ani '22,034' ba bahke ma nok ebta.

<sup>8</sup> Abon ba nlum ba Beker ba a: Jemira, Joasi, Eliejer, Elionayi, Omri, Jeremod, Abija, Anatod, a Alemed. Bo kpee jolo abon ba nlum ba Beker.

<sup>9</sup> Bo nyono abing ebo kak go nwer ana atubesi ebangenahb, aneblum jolo atahl alon alon nkpel atahla wubbal ane abale '20, 200' bo ji bahke ma nok nta.

<sup>10</sup> Mmon no nlum no Jedayel wo a: Bilhan. Abon ba nlum Bilhan ba a: Jeusi, Benjamin, Ehud, Kenana, Jetan, Tarsisi, a Ahisahar.

<sup>11</sup> Abon ba nlum baa kpee ba Jedayel jolo atubesi ebangenahb. Bo jolo aneblum atahl alon alon nkpel atahl anehkeni budu ewubu ane abal '17,200' ba bahke ma je song nok ebta.

<sup>12</sup> Anebe Supim a Hupim bo tob lohng et'tohngo ji Ir. anebe Husim lohng et'tohngo ji Aher.

### *Et'tohngo Ji Naftali*

<sup>13</sup> Abon ba nlum ba Naftali ba a: Jajiel, Guni, Jejer a Silem bo lohng et'tohngo ji Bilha.

### *Et'tohngo Ji Manase*

<sup>14</sup> Abon ba nlum ba Manase ba a: Abon ebe ba nlum lohngo go Asriel mmon no nnea Aram no jolo nne elgoro ewe. Ye wo jele Makir ji jolo nde no Giled.

<sup>15</sup> Makir koo nkal goji anebe Hupim a anebe Subim. Mbing nyi mmonannyehn no nkal bo jo lung-e re Maaka. Etoono mmon noko bo jo lungu re, Jelofahad, ye jele abon ba nkal ba ba.

<sup>16</sup> Maaka nkala Makir jele mmon no nlum ka-e no bo jo lung-e re Peresi. Mmonannyehn no nlum bo jo lung-e re Seresi, Peresi wo jolo nde no Ulam abola Rakem.

<sup>17</sup> Mmon no nlum no Ulam wo a, Bedan. Bo jia ba jolo abon ba nlum ba Giled, mmon no nlum no Makir, mmon no nlum no Manase.

<sup>18</sup> Hamoleked mmonannyehn no nkal no Giled ye wo jele Isihod, Abiejer a Mala.

<sup>19</sup> Abon ba nlum ba Semida ba a: Ahian, Sekem, Likhi a Aniam.

### *Et'tohngo Ji Efriim*

<sup>20</sup> Et'tohngo ji Efriim ji a: Sutela jolo mmon no nlum no Efriim, Bered mmon no nlum no Sutela, Tahad mmon no nlum no Bered, Eleada mmon no nlum no Tahad, Tahad mmon no nlum no Eleada

<sup>21</sup> Jabad jolo mmon no nlum no Tahad, a Sutela ji jolo mmon no nlum no Jebad. Aneblum ba Gad wulu Ejer abola Elead bo wulu bo eji bo tahme re bo song v atohko ndi nya nfono ejahbe no Gad.

<sup>22</sup> Efriim ndea bo noongo elkv go afung tvv, abonanyehn ebe ba, ba kak-e eltim.

<sup>23</sup> A kehm kpe noongo a nkal ewe, á sa ela jel mmon no nlum. Efriim jo lung-e re Beria, tib go ebibi ji yele ege ebangenahb.

<sup>24</sup> Mmon ewe no nkal bo jo lung-e re, Seera, ye wo kake nsi nyi ero nfam a erede nfam bi Beti Horon a Ujen Seera.

<sup>25</sup> Refa wo jolo mmon no nlum no Beria, Resef mmon no nlum no Refa, Tela mmon no nlum no Resef, Tahan mmon no nlum no Tela,

<sup>26</sup> Ladan mmon no nlum no Tahan, Amihud mmon no nlum no Ladan, Elisama mmon no nlum no Amihud,

<sup>27</sup> Nun mmon no nlum no Elisama, a Josua mmon no nlum no Nun.

<sup>28</sup> Ndia ebo a adi nya bo lene no jolo rehng go Betel a aroko ajahbe ebo sennge kak, tete rehng go Naaran go ero nfam, Gejer a aroko ajahbe ebo sennge kak go ejang erede nfam, fvfo Sekem a aroko ajahbe eye kpee tete rehng Ayya a arohko ajahbe eye.

<sup>29</sup> Go nkona ndi nyi Manase, arohko ajahbe nya jolo, Bed San, Taanak, Megido, Dor a aroko ajahbe ebo sennge kak. Et'tohngo ji Josef mmon no nlum no Isreel bo ba lene arohko ajahbe nyao.

### *Et'tohngo Ji Aser*

<sup>30</sup> Abon ba nlum ba Aser ba a: Imna, Isiva, Isivi, a Beria. Mmonannyehn ebo no nkal bo jo lung-e re, Sera.

<sup>31</sup> Abon ba nlum ba Beria ba a: Heber abola Malkiel, ji jolo nde no Birjaid.

<sup>32</sup> Heber wo jolo nde no Jefled, Somer a Hotam go mmonannyehn ebo no nkal Sua.

<sup>33</sup> Abon ba nlum ba Jefled ba a: Pasak, Bimhal a Asivad. Bo ba jolo abon ba nlum ba Jefled.

<sup>34</sup> Abon ba nlum ba Soma ba a: Ahi, Roga, Hubba, a Aram.

<sup>35</sup> Abon ba nlum ba Helem mmonannyehn Soma ba a: Jofa, Imna, Selesi a Amal.

<sup>36</sup> Abon ba nlum ba Jofa ba a: Sua, Harnefa, Sual, Beri, Imra,

<sup>37</sup> Bejer, Hod, Samma, Silsa, Itran a Beera.

<sup>38</sup> Abon ba nlum ba Jeter ba a: Jefune, Pisiba a Ara.

<sup>39</sup> Abon ba nlum ba Ulla ba a: Ara, Hanniel a Rijia.

<sup>40</sup> Bo jia kpee lohng go et'tohngo ji Aser, bo jolo atubesi ebangenahb, aneblum baa bo yehke na

bo, atahntahn atakuru abohng, bo jolo ane ba egahme ebo ma yeere, ba jolo atubesi. Ba bahke ma nok ebta, bo jolo ane atahl alon alon nkpel atahl awubu budu ane atahlara '26,000' ana bo fange kak go nwer.

## 8

### *Et'tohngo Ji Benjamin*

<sup>1</sup> Benjamin wo jolo nde no Bela, Bela wo jolo ngbokambanga mmon ewe no nlum, Asibel jol etoono mmon no nlum, Ahara etoono mmon no nlum go ane ara,

<sup>2</sup> Noha etoono mmon no nlum go ane ani, Rafa etoono mmon no nlum go ane alon.

<sup>3</sup> Abon ba nlum ba Bela ba a: Adda, Gera, Abihud,

<sup>4</sup> Abisua, Naaman, Ahoa,

<sup>5</sup> Gera, Sefufan, a Huram.

<sup>6</sup> At'tohngo nya Ehud bo ji jolo atubesi abangenahb ane ba lene go Geba ba bo kame bo yehke re bo song jol go Manahad:

<sup>7</sup> Abon ba nlum ba Ehud: Naaman, Ahija, a Gera, bo kame bo yehke, Gera wo jolo nde no Uja a Ahihud.

<sup>8</sup> Eji Saharaim tene akal ebe Husim a Baara, Saharaim jolo o Moab ko nnenkal no bo kpo lung-e re Hodesi a jel abon ba nlum baa ka-e.

<sup>9</sup> Jobab, Jibia, Mesa, Malkam,

<sup>10</sup> Jeuji, Sakia a Mirma. Abon ebe ba nlum ba jolo atubesi ebangenahb.

<sup>11</sup> Nkal ewe Husim tob jele Abitub a Elpaal ka-e.

12 A wo li abon ba nlum ba Elpaal ba a: Eber, Misam, Semed, Semed wo si nfam ejahbe Ono, Lod a abon ajahbe ebe sennge kak,

13 fvfo Beria a Sema bo ji jolo atubesi ebange-nahb ane ba lene go Aijalon, bo ba kame ane ba lene Gad.

14 Ahio, Sasak, Jeremod,

15 Jebadia, Arad, Eder,

16 Mikael, Isipa, a Joha bo ba jolo abon ba nlum ba Beria.

17 Jebadia, Mesulam, Hijika, Heber,

18 Isimerayi, Ijilia, a Jobab bo ba jolo abon ba nlum ba Elpaal.

19 Jakim, Jikri, Jabdi,

20 Elienayi, Jiletayi, Eliel,

21 Adaya, Berayiya, a Simrad bo ba jolo abon ba nlum ba Simei.

22 Isipan, Eber, Eliel,

23 Abdon, Jikri, Hanan,

24 Hanania, Elam, Antotija,

25 Ifdeyiya a Penuel bo ba jolo abon ba nlum ba Sasak.

26 Samserayi, Seharía, Atalia,

27 Jaaresiya, Elija a Jikri bo ba jolo abon ba nlum ba Jeroham.

28 Bo jia kpee jolo atubesi abangenahb, atubesi ba bo kake bo abing go nwer et'tohngo ebo, fvfo bo lene Jeusalem.

29 Jeyel ji jolo nde no Gibeon lene go Gibeon. Mbinga nkal ewe bo jo lung-e re Maaka,

30 fvfo ngbokambang a mmon ewe no nlum bo jo lung-e re Adon. Abon ebe ba nlum bako bo jo lungu bo re, Jur, Kisi, Baal, Ner, Nadab,

<sup>31</sup> Gedo, Ahio, Jekaria,

<sup>32</sup> a Miklod, ji jolo nde no Simea. Bo fvfo lene kohlo abonanyehn ebo go Jeusalem.

<sup>33</sup> Ner wo jolo nde no Kisi, Kisi jol nde no Sol, fvfo Sol jol nde no Jonatan, Milki-Sua, Abinadab a Esi-Baal.

<sup>34</sup> Mmon no Jonatan no nlum bo jo lung-e re Merib-Baal, Merib-Baal wo jolo nde no Mika.

<sup>35</sup> A wo li abon ba nlum ba Mika: Piton, Melek, Tarea a Ahaji.

<sup>36</sup> Ahaji wo jolo nde no Jehoada, Jehoada jol nde no Alemed, Ajimaved, a Jimri, fvfo Jimri wo jolo nde no Moja.

<sup>37</sup> Moja wo jolo nde no Binea; Rafa wo jolo mmon no nlum no Binea, Eleasa mmon no nlum Rafa, Ajel mmon no nlum no Eleasa.

<sup>38</sup> Ajel bele abon ba nlum na arakara, a wo li abing ebo: Ajirikam, Bokeru, Isimael, Searia, Obadia, a Hanan. Bo jia ba jolo abon ba nlum ba Ajel.

<sup>39</sup> A wo li abon nlum ba Ajel mmonannyehn Esek ba a: Ulam wo jolo ngbokambanga mmon no nlum, Jeusi jol etoono, Elifeled jol etoono ane ara.

<sup>40</sup> Abon ba nlum ba Ulam jolo atahntahn atakuru ba bahke ma fili elban. Bo bele abon ba nlum gbalee a abon, abon ebo, bo jolo ane atahl alon kunu ane abal ane awubu kpe kpe. Bo jia kpee lohngo et'tohngo ji Benjamin.

## 9

<sup>1</sup> Anebe Isreel kpee bo kake bo abing toono go ebo at'tohngo go nwer nyi atul ba Isreel a ba Juda.

Bo kpu bo song kak eju go Bebilon, tib go ebo ek'kpunu Esowo.

### *Ane Ba Li Go Jeusalem*

<sup>2</sup> Agbokombang ane ba gbo mbang kehnge eju song kpiri nsol ebo go eboa nsi jolo anebe Isreel, Abalimajom, anebe Levi, a alokeltum go etahk Esowo.

<sup>3</sup> Bo ji lohng et'tohngo ji Juda, ji Benjamin, ji Efriim, a ji Manase bo ji lene go Jeusalem bo ba.

<sup>4</sup> Utayi mmon no nlum no Amihud, Amihud ji mmon no nlum no Omri, Omri ji mmon no nlum no Imri, ji mmon no nlum no Bani, Bani lohng go et'tohngo ji Peresi mmon no nlum no Juda.

<sup>5</sup> Bo ji lohng go nnahb nyi Selan, Asayiya wo bo gbo mbang jel-e a abon ba nlum ba Asaia.

<sup>6</sup> Go nnahb nyi Jera: Jewel. Nrur ane ba Juda jolo atahl alon alon nkpel erakera kunu ane atahlani ane awubu.

<sup>7</sup> Go nnahb nyi Benjamin, Salu mmon no nlum no Mesulam, Mesulam ji mmon no nlum na Hodavia, Hodavia ji mmon no nlum no Hasenua;

<sup>8</sup> Ibneya mmon no nlum no Jeroham; Ela mmon no nlum no Uji, Uji ji mmon no nlum no Mikri; a Mesulam ji mmon no nlum no Sefatia, Sefatia ji mmon no nlum no Rewel, Rewel ji mmon no nlum no Ibnija.

<sup>9</sup> Ane ba lohng et'tohngo ji Benjamin ba bo kake bo abing toono ebo ebangenahb bo ruru rehng, ane atahl alon alon nkpel esehmwubu kunu ane atahl abal ane elku a nne awohng '956'. Ane baa kpee ba jolo atubesi ane go ebo ebangennahb.



<sup>10</sup> Go et'tohngo ji abalimajom, Jedaya, Jehoarib, a Jakin,

<sup>11</sup> Ajaria mmon no nlum no Hilkia, Hilkia ji mmon no nlum no Mesulam, Mesulam ji mmon no nlum no Jadohk, Jadohk ji mmon no nlum no Merayod, Merayod ji mmon no nlum no Ahitub. Ajaria wo jolo ntubesi no etahk Esowo.

<sup>12</sup> Adaia, ji mmon no nlum no Jeruham, Jeruham ji mmon no nlum no Pasihur, Pasihur ji mmon no nlum no Malikija, a Maasayi ji mmon no nlum no Adiel, Adiel ji mmon no nlum no Jajera, Jajera ji mmon no nlum no Mesulam, Mesulam ji mmon no nlum no Mesilemid, Mesilemid ji mmon no nlum no Immer.

<sup>13</sup> Abalimajom ba jolo atubesi go ebangenahb bo jolo ane atahl alon alon elku a nkpel ebbal kunu ane atahlara '1,760.' Bo jolo aneblum ba bahke ma lim ejum, bo ba eltum etahk Esowo woomo go ebo abo.

<sup>14</sup> Anebe Levi, Semaya ji mmon no nlum no Hasub, Hasub ji mmon no nlum no Ajirikam, Ajirikam ji mmon no nlum no Hasabiya, Semaya nnea Merari.

<sup>15</sup> Bakbakar, Heresi, Galal, a Matania ji mmon no Mika, Mika ji mmon no nlum no Jikri, Jikri ji mmon no nlum no Asafi;

<sup>16</sup> Obadia ji mmon no nlum no Semaya, Semaya ji mmon no nlum no Galal, Galal ji mmon no nlum no Jedutun, a Berekia ji mmon no nlum no Asa, Asa ji mmon no nlum no Elkana, bo ji lene go abon ajahbe Netofad.

<sup>17</sup> Abab'baabe etimbu ba a: Salum, Akub,Talmon, Ahiman, a anebe Levi bako. Salum

wo jolo ntubesia bo,

<sup>18</sup> no jo baabe etimbu ntul ji ero nfam tete rehng ngare nyia. Ane baa ba jo baabe etimbu go nji nyi anebe Levi.

<sup>19</sup> Sallum ji mmon no nlum no Kore, Kore ji mmon no nlum no Abiasaf, Abiasaf ji mmon no nlum no Kora, Sallum a anebe Kora bo jo baabe atimbu, bo anebe Kora bo ba jolo ka eltum elbaabe ni Agudu Abutahk, ana at'tohngo babnde ba nkul ebo jo baabe edi elsehnge yel ebkpatahk Jehova.

<sup>20</sup> Go ngare nyi ma sehng, Finehasi ji mmon no nlum no Eleaja wo jolo ntubesi eltum no jo baabe atimbu, Jehova jolo a ne.

<sup>21</sup> Jekaria ji mmon no nlum no Meselemia wo jolo mb'baabe no etimbu ji elsehnge yel go Ebkpatahk Elwane.

<sup>22</sup> Bo kpee ji bo yehke bo re bo jo baabe Atimbu bo jolo ane atahlawubu kunu ewubu ane abal '212.' Bo kake bo abing go nwer toono ajahbe ebo nya bo lene no. Ntula Devid a nnyehnamahra Samwel wo, ka babnde ba nkul eltum nio, tib bo ba bo jo bum bo go etingitingi.

<sup>23</sup> Bo a at'tohngo ebo, bo ba eltum elbaabe ni atimbu Etahk Jehova jolo ka bo, ji bo jo lung re, Ebkpatahk Elwane.

<sup>24</sup> Abab'baabe jolo go nkpe na eni: ero nfam, erede nfam, ebobkal a eboblum nfam.

<sup>25</sup> Anebe Levi ba lene abon ajahbe, jolo re bo jo lohng ba lim esenngeltum ebo go nfung esehma esehma.

<sup>26</sup> Atubesi ane ani ba jo baabe atimbu nyao, bo ji jolo anebe Levi, bo ba bo yake akp'kpa nya bo

jo kuuru nsol go etahk Esowo ka bo.

<sup>27</sup> Bo bahke tiki jol o atv sennge etahk Esowo kak, tibre bo bahke tiki baabe; bo ba egbokoro woomo bo go abo re bo jo lennge atimbu efungfu abehng abehng.

<sup>28</sup> Bo jindiki jolo ka bo re, bo jo kpur nsol nyi bo kpo ko lim eltum o Etahk Esowo; jolo ka bo re bo l'ko nsol nyio ba, bo jo fange, bo l'kehm feere a nsol nyio, bo tob jo fange.

<sup>29</sup> Bo jindiki bo ka bo eltum ni li re bo jo kpur nsol nyi bo jo ko lim eltum go etahk Esowo, a nsol kpee nyi li edi ji li saang, a akahmekahme abe, go amahm, akehng oliv, insen a nsol nyi kpo lim nsol yebe.

<sup>30</sup> Wo abalimajom bako jolo ka bo re bo jo semme nsol nyi kpo lim nsol yebe.

<sup>31</sup> Nnea Levi no bo kpo lung-e re, Matitia ye ji jolo ngbokambanga mmon no nlum no Sallum nnea Kora, ye wo bo ka-e eltum ni abe asemme ko lim abred nya ayare.

<sup>32</sup> Egom anebe Kohad ba jolo anebe Levi, jolo ka eltim ni bo jo lim abred nya bo jo kunu eksp'kuru efung Esabad abehng abehng.

<sup>33</sup> Bo ji jolo abakubu ase atubesi ba ebangenahb ji anebe Levi, bo jo jolo go akp'kpa nya etahk Esowo, fvfo bo y'yehke bo go ntum nyehko tibre bo ba jolo ka eltim nio atv a njul.

<sup>34</sup> Bo aneblum baa kpee jolo atubesi ba et'tohngo ebangenahb ji anebe Levi, bo kake abing ebo go nwer. Bo lene go Jerusalem.

*Ebanganahb Ji Ntula Sol*

<sup>35</sup> Jeyel ji jolo nde no Gibeon lene go Gibeon. Nkal ewe bo lung-e Maaka,

<sup>36</sup> fvfo ngbokambanga mmon no nlum bo jo lung-e re, Abdon, Jur wo toon-e, Kisi, Baal, Ner, Nadab,

<sup>37</sup> Gedor, Ahio, Jekaria, a Miklod.

<sup>38</sup> Miklod wo jolo nde no Simeam. Bo fvfo lene kohlo abonanyehn ebo go Jeuselem.

<sup>39</sup> Ner wo jolo nde no Kisi. Kusi jol nde no Sol, Sol jol nde no Jonatan, Malkisua, Abinadab a Esi-Baal.

<sup>40</sup> Mmon no nlum no Jonatan wo a: Merib-Baal ji jolo nde no Mika.

<sup>41</sup> Abon ba nlum ba Mika ba a; Piton, Melek, Taria, a Ahaji.

<sup>42</sup> Ahaji wo jolo nde no Jada, Jada jol nde no Alemed, Ajimaved, a Jimri, fvfo Jimri wo jolo nde no Moja.

<sup>43</sup> Moja wo jolo nde no Binea, Rafaya ji mmon no nlum no Binea, Eleasa ji mmon no nlum no Rafaya, Ajel ji mmon no nlum no Eleasa.

<sup>44</sup> Ajel bele abon ba nlum na arakera, a wo li abing ebo: Ajirikam, Bokeru, Isimel, Seriya, Obadiya a Hanan. Bo ba jolo abon ba nlum ba Ajel.

## 10

### *Ana Sol Wulu Elne*

<sup>1</sup> Ngare nyia anebe Filista noko a Isreel, an-ablumu Isreel be ebo esamahr, bo wulu anebe Isreel gbalee go egburu ewong ji Gilboa.

<sup>2</sup> Anebe Filista jo kame Sol g'gingi a abon ebe ba nlum, bo wulu abon ebe ba nlum, Jonatan, Abinadab a Malki-Sua.

<sup>3</sup> Enok fubu gbale sennge Sol kak, fvfo eji atakelban kpir-e no, bo lim-e nsol.

<sup>4</sup> Sol tongo nfilansol ebta ewe re <<Wob ekahngkahng eba wo jahm-m wul, tohko jol ano ane baa ba kil jo yehke nrur bahke ba suu-m.>>Wo nfilansol ebta ewe eko tan-e tan á limem ano, owo Sol kehm koko ekahngkahng b'be gbo nyede wul elne.

<sup>5</sup> Eji nfilansol ebta ewe nyehne re Sol ebkpo, ye fvfo tob gbo nyede ekahngkahng ebe tob kpo.

<sup>6</sup> Ano wo Sol a abon ebe ba nlum na ara kpo no, a anebe etahk ebe kpee.

<sup>7</sup> Eji anebe Isreel kpee ba jolo go edamme nyehne re nsoja ebo ebbe, fvfo Sol a abon ebe ba nlum bobkpo, anebe Isreel be ajahbe ebo sa. Anebe Filista fere ba jol o.

<sup>8</sup> Njahm fungfu yehko, eji anebe Filista ba no ba kehme akvne feede re bo ko ji bo jo seb, bo nyehne ekv ji Sol a abon ebe ba nlum nong go egburu ewong ji Gilboa.

<sup>9</sup> Bo ba yehk-e nsol ebjing, fere kim-e esi rod nsol ebta enye, fere tum atiatingetib tv go ndi anebe Filista kpee re, bo tiingi ntib nyao go ntahk eblom ebo a ane ebo.

<sup>10</sup> Bo ko nsol ebta Sol song kak go etahk asowo ebo, fere rod esi eje song tohko go etahk elom Dagon.

<sup>11</sup> Eji ane kpee ba lene go Jabesi Giled wuku ji anebe Filista ma lim Sol,

<sup>12</sup> atahntahn aneblum ebo kpee kehm tahme

song rod ekv ji Sol a nya abon ebe ba nlum ko ba ga Jabes. Owo bo song kpa akv ebo kak go egburu nla eti go Jabes, fvfo bo bade njal nfung esehma.

<sup>13</sup> Sol kpoo tibre á belem ekakesehk a Jehova, á bumem ellum ni Jehova á jo bahbe abukumbu re bo tib-e mbang,

<sup>14</sup> fvfo á joom bahb Jehova. Owo Jehova kehm-e wulu fere faake etul ka Devid mmon no nlum no Jese.

## 11

### *Ana Bo Bobo Devid Etul Go Isreel*

<sup>1</sup> Ajahbe Isreel kpee kehm bake ba kono asi goji Devid go Hebron, kehm bungu re, <<Wahr agubjing enya nya a alung a lung.

<sup>2</sup> Go njahm, ngare nyi Sol jolo ntul, wo wo jo ko nsoja Isreel je ebta. Fvfo Jehova Esowo eba bungu tong-a re, wo wo bahke baabe Isreel ane ebame, fvfo á bahke jolo nne no bahke fili bo.>>

<sup>3</sup> Eji anebkul Isreel kpee ma ba goji ntul a Devid ga Hebron, á ko nwongo a bo go Hebron go esamahr bi Jehova. Fvfo bo kak-e akehng go esi re á jol ntul ka Isreel, ana Jehova ma nyam sehng goji Samwel.

### *Devid Noko Ebta Ko Jeruselem*

<sup>4</sup> Devid a anebe Isreel kpee jene je Jeruselem, ji lohngo re Jebusi Anebe Jebusi ba lene o,

<sup>5</sup> tongo Devid re, á nehm yel a. Jol tvtv o, Devid noko ko abuntahk nya Jayon, bo fere jo lung re, ejahbe ji Devid.

<sup>6</sup> Devid ebbung re, <<nne no l'gbo mbang ebta bia bi anebe Jebusi ye wo bahke jolo ntubesia

nsoja no Isreel.>> Joab mmon no nlum no Jeruya wo mehle gbo mbang ebta, fvfo á ba jolo ntubesia nsoja.

<sup>7</sup> Devid song jolo edi ekobta, owo wahnge bo jo lung re ejahbe ji Devid.

<sup>8</sup> Á si ejahbe sennge kak, bomo go adamme nya bo kake ndi tete rehng ekahme ji bo lange sennge nfam kak, gana Joab kp'tuungu erik ejahbe.

<sup>9</sup> Fvfo Devid jo kpe gbal na go atahne, tibre Jehova ji kp'fili elbung a ndi jolo a ne.

### *Atahntahn Atahkuru Nsoja Nyi Devid*

<sup>10</sup> A wo li atubesi atahntahn atukuru nsoja nyi Devid, bo budu a Isreel kpee, bo ba ka-e atahne etul re, á nyange rehng ndi nyio kpee, ana Jehova ma nyam.

<sup>11</sup> A wo li nwer nyi bo kake abing nya atahntahn atukuru nsoja nyi Devid; Jasobeyam nnea Hakmon ye wo jolo egburu ntubesi no nnen, á ko elkong ene wul ane atahlku '300' go enok ajehng.

<sup>12</sup> Nne no toon-e no bo jo lung-e re, Eleaja ji mmon no nlum no Dodayi nnea Aho, ye wo jolo nne awohng go ellong atahntahn atakuru na ara,

<sup>13</sup> Á jolo a Devid go Pasi Damim eji anebe Filista kono re bo nok ebta. Go edi ji jolo emahng ji nkohla abali ma kab m'meeke, nlong nsoja Isreel nyehko be esamahr anebe Filista.

<sup>14</sup> Wo bo ba rehne akpade go elka emahng nio. Bo yiimi nok wul anebe Filista, fvfo Jehova ka bo egburu esehngbta.

<sup>15</sup> Go ellong agburu atubesi eltahl ane awubu '30', ane ara song kp'iri Devid go ekpartal ji egong

Adulam, gana ellong anebe Filista ebba kak elsi ga edamme ji Refayim.

<sup>16</sup> Ngare nyio Devid li go ekobta. fvfo nlong nsoja nyi anebe Filista li Betlehem.

<sup>17</sup> Devid alahb kehme koro, á kehm bungu re, <<Eeya, li re nne bahke ma song ko alahb elwoko go elbing alahb ni li kohlo eti mbu ji Betlehem ba ka-m eyee!>>

<sup>18</sup> Owo ane ara bao kehm yange sehng go ellong nsoja nyi anebe Filista, song tohng alahb go elbingalahb ni li eti mbu ji Betlehem, sol ba ka Devid. Wo, á tene elwoko, ji á fere lim, á yaange wohng go ana ejum njom ka Jehova.

<sup>19</sup> Á bungu re, <<Esowo k'taame me n lim jia, Anv, me n wo alung ane ba ma riki elkpin eboa? >> Tib bob riki nkpin ebo song tuk alahb, fere ko feere a ni, Devid lohkem wo. Awo li egburu ejum ji atahntahn atakuru ane ara bao limi no.

<sup>20</sup> Abisayi ji mmonannyehna Joab no nlum wo jolo ntubesi no nnen go ane ara bao. Á koo elkong ene wul ane atahlku '300,' fvfo wahnge elgahm ene yeere ana ane ara bako.

<sup>21</sup> Á bele ekpunu budu gbalee sehng ane ara bako, fvfo ye wo jolo ntubesi abo, jol tvtv eji bo ki-e fange kak ebo ellong.

<sup>22</sup> Benaya mmon no nlum no Jehoyada etahntahn n'noko no lohng go Kabjeel, limi egburu ndakanding eltum. Á wulu atahntahn atubesi anebe Moab na abal. Á tob tahme song yel elbing, efung elahb atal song wul egabe.

<sup>23</sup> Á wulu nnea Ijib no labe rehng efid ebsehma kunu ejang go elkul ero. Jol tvtv o, eji nnea Ijib



noo fili ellong ege ebo a ntahke elban ni sahb  
s'subu ana ehti bi bo kpo ko tub abomo. Benaya  
fili ebkpun song kpi-e, á taare nnea Ijib elkong  
nio ege ebo fere ko elkong nio wul-e.

<sup>24</sup> Ana wo jolo eltum ni Benaya mmon no nlum  
no Jehoyada limi no, ye fvfo tob lohngo elgahm  
ana atahntahn atakuru ara bako.

<sup>25</sup> Ye bele egburu ekpunu sehngel eltahl ane  
awubu bao '30,' wo bo we-e fangem kak ellong  
ane ara bao. Fvfo Devid lim-e ntubesi no ellong  
ni jo baab-e.

<sup>26</sup> Atahntahn atakuru nyao abing ebo nya a.  
Asahel mmonnayehn Joab no nlum, Elhanan  
mmon no nlum no Dodo ye ji lohng go Betlehem,

<sup>27</sup> Sammoti nnea Haro, Heleji nnea Pelon,

<sup>28</sup> Ira mmon no nlum no Ikese ye lohngo go  
Tekoa, Abiejer ji lohngo go Anatoti,

<sup>29</sup> Sibekayi nnea Husa, Ilayi nnea Aho,

<sup>30</sup> Maharayi nnea Netofa, Heled mmon no nlum  
no Baana nnea Netofa,

<sup>31</sup> Itayi mmon no nlum no Rebayi ye lohng go  
Gibeá et'tohngo ji Benjamin, Benaya nnea Perato,

<sup>32</sup> Hurayi ji lohng edamme ji Gasi, Abiel nnea  
Arba,

<sup>33</sup> Ajimaved nnea Baharum, Eliyaba nnea Saal-  
bon,

<sup>34</sup> abon ba nlum ba Hasem nnea Gijon, Jonatan  
mmon no nlum no Sagee nnea Harari,

<sup>35</sup> Ahiyam mmon no nlum no Sakar nnea  
Harari, Elifal mmon no nlum no Ur,

<sup>36</sup> Hefer nnea Mekerad, Ahija nnea Pelon,

<sup>37</sup> Hejiro nnea Kamel, Narayi mmon no nlum  
no Ejibayi,

<sup>38</sup> Joyel mmonannye hna Natan no n lum, Mibhar mmon no n lum no Hagri,

<sup>39</sup> Jelek nnea Ammon, Naharayi nnea Beroti, ye wo jo fili nsol ebta nyi Joab mmon no n lum no Jeruya,

<sup>40</sup> Ira nnea Itri, Gareb nnea Itri,

<sup>41</sup> Uriya nnea Hiti, Jabad mmon no n lum no Alayi,

<sup>42</sup> Adina mmon no n lum no Sija ye lohng go et'tohngo ji Ruben, ye jolo ntubesi go et'tohngo ji Ruben a eltahl ane awubu '30' ba toon-e no,

<sup>43</sup> Hanan mmon no n lum no Maaka, Josafad nnea Mitin,

<sup>44</sup> Ujiya nnea Asitera, Sama a Jeyel abon ba n lum ba Hotam nnea Aroye,

<sup>45</sup> Jedyayel mmon no n lum no Simri, mmon-nayehn ewe no n lum bo jo lung-e re Joha nnea Tiji,

<sup>46</sup> Eliyel nnea Mahavi, Jeribaya abola Josaviya abon ba n lum ba Elnam, Itima nnea Moab,

<sup>47</sup> Eliyel Obed a Jasiyel anebe Mejoba.

## 12

### *Atakuru Nya Song Budu A Ellong Ni Devid*

<sup>1</sup> Aneblum ba a, ba ba goji Devid go ejahbe Jiklag, ngare nyi á daade no go esamahr bi Sol mmon no n lum no Kisi bo woomo go ellong atakuru nya jo tob-e nok ebta,

<sup>2</sup> bo jolo ane ba jo fili mban, bo jo male mban atake afii jo saade egbasad atal, jolo eboblum afii ebobkal; bo jolo ane ba lohng ebangenahb ji Sol go et'tohngo ji Benjamin. A wo li abing ebo:

<sup>3</sup> Ahieje ji jolo ntubesi abo no nnen abola Joasi bo abon ba nlum ba Semaa nnea Gibeaa; Jejiyel a Peleti bo abon ba nlum ba Ajimaved; Beraka, Jehu nnea Anato,

<sup>4</sup> a Isimaya nnea Gibeon, etahntahn ntakuru go ellong eltahl ane awubu '30,' ye wo jolo ntubesi go eltahl ane awubu '30' bao; Jeremaya, Jahajiyel, Johanan, Jojabad nnea Gedera,

<sup>5</sup> Elujayi, Jerimod, Bealiya, Semariya a Sefatia nnea Haruf,

<sup>6</sup> Elkana, Isiya, Ajarel, Joejer a Jasobeyam nnea Kora,

<sup>7</sup> a Joela, Jebadiya abon ba nlum ba Jeroham ye ji lohng go Gedor.

<sup>8</sup> Egom anebe Gad yabe song kpiri Devid go ege eko ebta go elka emahng. Bo jolo atakuru nya bele esahb, bob toobo ebjing ebta anoko, fvfo bo jolo ane ba bahke ma fili ekum a elkong. Asamahr ebo jolo ana asamahr agabe, bo jo ware are ebul emahng go awong nya.

<sup>9</sup> Ejer wo jolo ntubesi, Obadiya jol etoono ntubesi, Eliab jol etoono ane ara,

<sup>10</sup> Misimana jol etoono ane ani, Jeremaya jol etoono ane alon,

<sup>11</sup> Atayi jol etoono ane arakera, Eliyel jol etoono ane asehma,

<sup>12</sup> Johanan jol etoono ane anehkeni, Eljabad jol etoono ane asehmwubu,

<sup>13</sup> Jeremaya jol etoono ane awubu, fvfo Makbanayi jol etoono ewubu a nne awohng.

<sup>14</sup> Anebe Gad baa jolo atubesi nsoja, no sahb s'se jo fili ane atahlalon alon '100,' bo ji kp'gbale jo fili ane atahltahl nkpel ebal atahlawubu '1,000.'

15 Bo ba jolo ane ba siiri aya Jodan ngare nyi ma yel kuumu agbunggbung go ngbokambang a nnyahng, bo kame ane kpee ba lene edamme, tv go ero nfam a erede nfam.

16 Ane bako ba lohng et'tohngo ji Benjamin a egom ane ba lohng Juda, bo fvfo tob ba goji Devid go ege eko ebta.

17 Devid kehm lohngo song kpiri bo, kehm tongo bo re, <<L'jol re wahn ebba go elkoono re wahn ba tob-m, bahk-m koro re wahn jol aname. Wo l'fere jol re rn ba re wahn ba gung-m ka anebekv ebame eji abo enyame ki wob go atongtong, nong Esowo bi babnsso ewahre nyehn jia fere lam-n.>>

18 Owo Etohko ji Esowo kehm bake a Amasayi ye ji jolo ntubesi ka eltahl ane awubu bao, á bungu re, <<Wahr ane eba ba, Devid, wahr li ka wo mmon no nlum no Jese, elkoono ee, nong elkoono jol a na, fvfo nong elkoono jol a ane ba kpa-a tobo, tib Esowo eba bahk-a tobo.>> Owo Devid kehm koko bo fere lim bo, bo jol atubesi ba nlong nsoja enye.

19 Egom et'tohngo ji Manase yabe lohng ba tob Devid eji á tahme no a anebe Filista re á song nok a Sol. (Ye a aneblum ebe bo kpeem tob anebe Filista, tib eji, anebe Filista toobo no, bo k'kam Devid yehke ebo ellong. Bo bungu re, <<Bahke koko asi enyahre, Devid l'feere song tob Sol nde nju ewe.>>)

20 Eji Devid tahme go Jiklag aneblum baa a, ba et'tohngo ji Manase, ba yabe no song kpir-e, Adna, Jojabad, Jedayel, Mikayel, Jojabad, Elihu a Jiletayi, bo jolo ane ba jo fili nlong nsoja atahltahl

nkpel ebal atahlawubu '1,000' go et'tohngo ji Manase.

<sup>21</sup> Bo ba jo tob Devid jo nok a nlong nsoja nyi anebekv, tib bo ane kpee jolo atakuru nya bele esahb, bo ba jolo atubesi ege ellong nsoja.

<sup>22</sup> Efung abehng abehng aneblum jo lohngo ba tob Devid, tete á bel egburu ellong nsoja ana nsoja nyi Esowo.

### *Ane Bako Kpe Ba Kpiri Devid Go Hebron*

<sup>23</sup> A wo li nfange aneblum ba toobo ebjing ebta, ba je goji Devid go Hebron re, bo song faake etul bi Sol ka-e, ana Jehova bungu no,

<sup>24</sup> go et'tohngo ji Juda, ane ba jo fili ekum, elkong yiimi ebta anoko jolo ane atahltahl nkpel ebal atahlawubu go nkpel erakera budu anea atahltahl nkpel ebal '6,800,'

<sup>25</sup> go et'tohngo ji Simeon, atakuru nya toobo ebjing ebta bo jolo ane atahltahl nkpel ebal atahlawubu go nkpel esema ane atahlalon '7,100,'

<sup>26</sup> goji et'tohngo ji Levi, jolo ane atahltahl nkpel ebal atahlawubu go nkpel eni budu atahltahal atahlawubu '4,600,'

<sup>27</sup> budu Jehoyada, ntubesi no ebangenahb ji Eron, jolo aneblum atahltahl nkpel ebal atahlawubu go nkpel era budu atahaltahl atahlku '3,700,'

<sup>28</sup> fvfo Jadok njangkun a ntakuru nyi bele esahb, budu eltahl atubesi eltum abal '22' bo lohng ege ebangenahb,

<sup>29</sup> et'tohngo ji Benjamin, ebangenahb ji Sol, jolo ane atahltahl nkpel ebal atahlawubu go nkpel era

'3,000,' ane gbalee tiki sa woomo elwo etahk Sol tete ngare nyia,

<sup>30</sup> go ebangenahb ji Efraim atakuru nya bele esahb, ba elgahm ebo lohngo ebo ejang ajahbe, bo jolo ane atahltahl nkpel ebal atahlawubu go nkpel eltahl budu atahltahl nkpel ebal, '20,800,'

<sup>31</sup> go ejang et'tohngo ji Manase bo ji abing ebo lohngo no, bo ji ba re bo ba bob Devid etul bo jolo atahltahl nkpel ebal atahlawubu go nkpek atahl elkura '18,000,'

<sup>32</sup> go et'tohngo Isaka ane ba jo kahn ngare, fere kahn ji fuumu re Isreel lim, atubesi jolo ane atahl awubu '200,' a abonanyehn ebo kpee ba woomo go ebo elwo,

<sup>33</sup> go et'tohngo ji Jebulun, nsoja nyi jo kahn afem, toobo ebjing ebta a ejoobo ejum ebta ajehng ajehng re bo tob Devid, bo k'yab bo jol nti nti anyehng, bo jolo atahl alon alon nkpel atahltahl atahl alon '50,000,'

<sup>34</sup> go et'tohngo ji Naftali, atubesi nta jolo ane atahl alon alon nkpel ewubu '1,000,' budu aneblum ba kpo fili akum a nkong bo jolo atahl alon alon nkpel atahlku, nkpel atahl ara a nkpel ewubu '37,000,'

<sup>35</sup> go et'tohngo ji Dan, bo ji toobo ebjing ebta, bo jolo atahl alon alon nkpel atahl awubu, a nkpel atahl ani a nkpel erakera '28,600,'

<sup>36</sup> go et'tohngo ji Aser, nsoja nyi jo kahn afem, toobo ebjing ebta, bo jolo atahltahl nkpel ebal atahlawubu go nkpel atahlabal '40,000,'

<sup>37</sup> go ero aya ma Jodan, go et'tohngo ji Ruben, Gad a ejang et'tohngo ji Manase, ane ba fili ejoobo ejum ebta ajehng ajehng, bo jolo ane atahltahl

nkpel ebal atahlawubu go nkpel atahla arkera '120,000,'

<sup>38</sup> Bo jia kpee aba noko nta ba, bo ji koro bofono antahng re, bo loko ngbahka ngbahk. Bo ba je go Hebron bo bele ntir ntir anyehng re, bo ba bob Devid etul ka Isreel kpee. Erik anebe Isreel bako kpee tob bele ntir ntir anyehng re, bo bob Devid etul.

<sup>39</sup> Aneblum bao kange o a Devid nfung era, jo li fere jo w'wo, tib abangenahb ebo toobo nsol ka bo.

<sup>40</sup> Aneb ebjing ebo fvfo bo ji li fee go at'tohngo nya Isaka, Jebulun, a Naftali bo solo nsol alehke go ebvankang, akamel, ebvankang bi kahbe akpade a alum efong. Nsol jolo gbalee, ana abe, abane bane ngbu afik, abane bane ngbu agreb, amahm, akehng oliv, adamagbudu, a ejoro tib eyebatahng jolo gbalee go Isreel.

## 13

### *Bo Ko Elkoahl Atahm Feere A Ni*

<sup>1</sup> Devid toobo a ntubesi ewe awohng awohng, atubesi nsoja ba jo fili ane atahl alon alon nkpel ewubu, a ba jo fili ane atahl alon alon.

<sup>2</sup> Á tongo Isreel kpee ji ba kono o re, <<L'jol re n'nob ano kaan, fvfo l'fere jol re ntir nyi Jehova Esowo ebahre nyi, nong wahr tumen ellum tv ane ba li fee sahb f'fe, erik ane ebahre kpee go arohko ajahbe Isreel, fvfo tob tum tv abalimajom a anebe Levi bo ji li a bo, go ebo ajahbe a adi nya bo kpo le atohko ndi, re bo ba semme anahre.

<sup>3</sup> Wahr song koon elkohl atahm Esowo ebahre feere ani ba ka-r, tib e kpeem tiki jo bahb bade a ni, ngare efilane ji Sol.>>

<sup>4</sup> Bo kpee ba kono o t'taame re bo lim ano, tibre ane kpee ny'nyehn re n'nob ka bo kpee.

<sup>5</sup> Devid kehm kuku Isreel kpee, bomo go ero aya ma Sihor go Ijib rehng go Lebo Hamati re, bo rod elkohl atahm ni Esowo go Kiriati Jearim ba a ni.

<sup>6</sup> Devid a Isreel kpee tahme go Baala ji Juda [Kiriati Jearim] re bo song ko elkohl atahm Esowo Jehova, ye ji jehk etul go elka elka ni serubim, elkohl ni bo kpo lung kpiida mbing enye.

<sup>7</sup> Bo yehke elkohl atahm Esowo go etahk Abinadab, mmvtv akpakenti nyi nfenfe nyi solo, Uja abola Ahio bo ba jo baabe mbang mbang.

<sup>8</sup> Devid a anebe Isreel kpee jo geere a eko eko ebo kpee ka Esowo, go ase a abuk, agehmegehme, atalehk, asoongo a atang.

<sup>9</sup> Eji bo rehng go edi arasi aruumu ji Kidon, Uja tanne ebo re á tuungu elkohl atahm nio kunu, tib efong s'sel.

<sup>10</sup> Jehova atahng rak-e tob Uja á rum-e tub, tib yeb lak abo go elkohl atahm nio. Owo á kpo no go esamahr bi Esowo.

<sup>11</sup> Owo Devid atahng kehm-e rake tib eji erakatahng ji Jehova ma gbo tub Uja, tete tub lela edi jio bo kpo lung re, Pereji Uja.

<sup>12</sup> Devid fahle Esowo efung bio kehm bahbe re, <<N kehm limi renan ko elkohl atahm Esowo ba bum elname?>>

<sup>13</sup> Á kpeem ko elkohl atahm nio re song jol a ne go elsi ni Devid. Á fere ko song bum etahk Obed-Edom nnea Gati.



14 Elkohl atahm Esowo sa o ebangenahb ji Obed-Edom ege etahk go nnyahng era, fvfo Jehova fuulu nlatahk enye kpee a ejum ajehng ajehng ji á bele no.

## 14

### *Nlaaga Nyi Devid A Ebangenahb Eje*

<sup>1</sup> Ngare nyia Hiram ntula Taya tumu atiatingi etib tv Devid, budu akv nti aseda, abasoongo atal a abakonajangenti re bo song si ekpasiki ka-e.

<sup>2</sup> Devid k'kahn re Jehova me-e lim yeb gbal ana ntul ka Isreel, fvfo etul ebe yeb sahb m'mehl wahre tib esi ane ebe Isreel.

<sup>3</sup> Go Jerusalem Devid kpe ko akal budu, fvfo á jolo nde no abon ba nlum gbalee a ba nkal.

<sup>4</sup> A wo li abing abon ba bo jele ka-e o, Samua, Sobab, Natan, Solomon,

<sup>5</sup> Ibhar, Elisua, Elpeled,

<sup>6</sup> Noga, Nefeg, Jafiya

<sup>7</sup> Elisama, Beliyada a Elifeled.

### *David Ga Anebe Filista*

<sup>8</sup> Eji anebe Filiata wuku re Devid bo me-e kak akehng go esi re á jol ntul ka Isreel kpee, bo kehm mehle eko eko re bo song seb-e, wo Devid w'wuk bade ano, á kehm lohngo re á song kpiri bo.

<sup>9</sup> Ngare nyio anebe Filista eblohng ba bohko ebta fere da nsol go edamme ji Refayim;

<sup>10</sup> owo Devid kehm bahbe Esowo re; <<Me n song, song nok a anebe Filstaa? Á bahke yake bo kak-m egama aboa?>>

Jehova faang-e re, <<Song, m bahke yake bo kak-a ega abo.>>

<sup>11</sup> Owo Devid a ane ebe bo kehm tahme go Baal Perajim, ona wo á noko ga bo. Á bungu re, <<Ana nyel kpo ya lohng, Esowo ebya wohngo anebekv ebame egame ebo.>> Owo wahnge bo jo lung edi jio re Baal Perajim.

<sup>12</sup> Anebe Filista ebbe asowo ebo sa o, fvfo Devid ka eko re bo jamme fi go agun.

<sup>13</sup> Anebe Filista kpe tahm song bohko ebta go edamme;

<sup>14</sup> owo Devid kehm kpe bahb Esowo, fvfo Esowo faang-e re, <<Ka nok a bo songo songo, senge na bo kak wo bom elnoko a bo go mbuksonga nti nyi bo kpo lung re balsam.

<sup>15</sup> A l'si w'wuk ewahl eljen go elkong nti balsam, mehlen song ebta, tib jio bahke lohngo re Esowo eblohng gbo-n mbang re á song nok a nsoja nyi anebe Filista.>>

<sup>16</sup> Ano wo Devid limi ana Esowo ka-e elkahn, fvfo bo wulu nsoja nyi anebe Filista, mbang mbang nyi bomo go Gibion tete rehng Gejer.

<sup>17</sup> Owo elgahm ni Devid kehm yeere rehng adi kpee, fvfo Jehova limi re ajahbe kpee jo fahl-e.

## 15

### *Bo Ko Elkoahl Atahm Ba Go Jerusalem*

<sup>1</sup> Eji Devid ma si ntahk ka elne go ejahbe ji Devid, á toobo edi ji elkoahl atahm Esowo, fere si ebkpatahk bum re jol ka elkoahl atahm nio.

<sup>2</sup> Owo Devid kehm bungu re, <<Nnene sang bahke solo, sehngem anebe Levi ba bahke solo elkoahl atahm Esowo, tibre bo ba Jehova ma yehke re bo jo sol elkoahl atahm Jehova, fere jo lok-e ano.>>

<sup>3</sup> Devid kehm kuku Isreel kpee bo ba kono Jerusalem re bo song ko elkohl atahm Jehova ba a ni edi ji á ma toobo bum re jol.

<sup>4</sup> Á kehm lungu at'tohngo nya Eron a anebe Levi ba kono edi ajehng;

<sup>5</sup> Go at'tohngo nya Kohati, Uriyel wo jolo ntubesi a ebangenahb eje, bo ane atahl alon kunu ane eltahl; '120.'

<sup>6</sup> go at'tohngo nya Merari, Asayel wo jolo ntubesi, a ebangenahb eje, bo ane atahl alon alon nkpel ebal kunu ane eltahl '220,'

<sup>7</sup> go at'tohngo nya Gerson, Joel wo jolo ntubesi, a ebangenahb eje, bo ane atahl alon kunu eltahl ane awubu '130,'

<sup>8</sup> go at'tohngo nya Elijafan, Semayel wo jolo ntubesi, a ebangenahb eje, bo jolo ane atahla wubu '200,'

<sup>9</sup> go at'tohngo nya Hebron, Eliyel wo jolo ntubesi, a ebangenahb eje, bo jolo ane atahlani '80,'

<sup>10</sup> go at'tohngo nya Ujiiyel, Aminadab wo jolo ntubesi, a ebangenahb eje, bo jolo ane atahl alon kunu ewubu ane abal '112.'

<sup>11</sup> Owo Devid kehm lungu Jadok a Abiata ji nlimanjom, a Uriyel, Asaya, Joel, Semaya, Eliyel, a Aminadab bo anebe Levi.

<sup>12</sup> Á tongo bo re, <<Wahn ba li atubesi go ebangennahb ji anebe Levi, wahn a anebe Levi ebahne bako, bum-n elnahne saang, wahn song ko elkohl atahm Jehova, Esowo bi Isreel, ba a ni edi ji m ma toobo bum.

<sup>13</sup> Eji li re wahn anebe Levi sang song ko go ngbokambang, wahnge Jehova Esowo ebahre

bele erakatahng bade anahre. E we-e bahbem ana e bahke limi go mbang nyi fuumu no.>>

<sup>14</sup> Owo abalimajom a anebe Levi kehm bumu elbo saang eji bo l'song ko elkohl atahm Jehova, Esowo bi Isreel.

<sup>15</sup> Anebe Levi ko alaabe nti sol elkohl atahm Esowo nio ebo akpakebahk, ana Mosisi ka bo elkahn toono go ellum ni Jehova.

<sup>16</sup> Devid tongo atubesi ba anebe Levi re, bo yehke abayimase ebo ellong, bo jo yim wahl go eyebatahng, jo kub nsol nyia, abuk, atalehk a asoongo.

<sup>17</sup> Ano wo anebe Levi yehke Heman mmon no nlum no Joel; Asafi mmon no nlum no Berekaya; fvfo Etan mmon no nlum no Kusayiya go ebange-nahb ji Mer,

<sup>18</sup> fvfo abonanyehn ebo ba toono bo jolo, Jekaria, Jajiyel, Semiramoti, Jehiyel, Unni, Eliab Benaya, Maaseya, Matitiya, Elifelehu, Mikneya, Obed Edom a Jeyiyel bo ji jo baabe nti mbuga.

<sup>19</sup> Abakubase, Heman, Asafi a Etan, bo ba jolo re, bo jo kub bron ji bo ko ebilikpi lim.

<sup>20</sup> Jekaria, Jajiyel, Semiramoti, Jehiyel, Unni, Eliab, Maseya a Benaya bo jo kubu abuk toono ana alamoti li no.

<sup>21</sup> Mattitaya, Elifelehu, Miknaya, Obed-Edom, Jeyiyel a Ajajiya bo jo kub abuk toono ana atake nya nlum a nya nkal nya Seminiti li no.

<sup>22</sup> Kenaniya ji jolo ntubesi anebe Levi, ye wo jolo ka elyimi, jio ji jolo ebo eltum ebe tibre á kahne ana á jo mal lim nobnob.

<sup>23</sup> Berekiya abola Elkana li ka bo re, bo jo baabe abutahk nya elkohl atahm.

<sup>24</sup> Sebaniya, Jasofati, Netanel, Amasayi, Jekaria, Benaya a Elieje, bo alimajom li ka bo re, bo wor atang gbo elkohl atahm Esowo mbang. Obed Edom abola Jehiya ji bo tob li re, bo jo baabe abutahk elkohl atahm.

<sup>25</sup> Owo Devid a anebkul Isreel a atubesi nsoja ba jo fili nlong nsoja atahl alon alon nkpel ewubu tahme no re bo song ko elkohl ni nwongo nyi Jehova go etahk Obed Edom go eyebatahng.

<sup>26</sup> Tibre Esowo ebtob anebe Levi bo ji jo sol elkohl ni nwongo nyi Jehova, alum efong na esehma a ekom na esehma bi bo ko lim njom.

<sup>27</sup> Devid liibi mbomo mi bo jahme ekpawobo ji nno, ano ano wo anebe Levi kpee ba solo elkohl atahm, a abakubase go Kenaniya ye ji jolo ntubesi abayimi ase tob liibi. Devid tob kake monkpehrekahbe ewobo no alimajom no bo ko aleenge leenge abomo jahm.

<sup>28</sup> Ano wo Isreel kpee ko elkohl ni nwongo nyi Jehova a elrabe elrabe go ewahl atang ekom a atang atang a ewahl asoongo, go elkubu ni bo jo kub atalehk a abuk.

<sup>29</sup> Ana elkohl ni nwongo nyi Jehova jo yel ejahbe ji Devid, Mikal mmon no nkal no Sol jo fahnge go monbua nkpe ekahme. Eji á nyehne Ntula Devid kp'bahne fere jo yebbe, á kehm-e daange ege eltim.

## 16

### *Elloko Go Esamahr Elkohl*

<sup>1</sup> Bo kehm koko elkohl atahm Esowo ba yel a ni ebkpatahk bi Devid ma si ka, fvfo bo limi njom

ayare eljahme fi a njom ayare nya elkoono ka Jehova.

<sup>2</sup> Ngare nyi Devid ma lim njom ayare nya eljahme fi mal, a nya elkoono, á fuulu ane go mbing nyi Jehova.

<sup>3</sup> Owo á kehm kake nnenlum a nnenkala Isreel awohng awohng ebred ajehng ajehng, ngbu njua nsakoro, ngbu agreb, a ngbu nyi bo bane go nkpingi.

<sup>4</sup> Á tob yehke egom anebe Levi re bo jo lim eltum go elkohl atahm Jehova, bo jo lim eltum ni ellungu mbinga Jehova, saam akake a eltehke Jehova, Esowo bi Isreel.

<sup>5</sup> Asaf wo jolo ntubesi, Jekaria wo toon-e, Jaajiel, Semiramoti, Jehiyel, Matitiya, Eliab, Benaniya, Obed Edom, a Jeyel. Bo ba li re, bo jo kub abuk a agehmegehme, Asaf jo kak esoongo,

<sup>6</sup> fvfo Benaya a Jahajiel bo ji li alimajom bo jo wor atang asoro asoro go esamahr elkohl nwongo nyi Esowo.

<sup>7</sup> Efung bio Devid gbo mbang yehke Asaf a ellong ene re bo jo tehk Jehova go mbang ana nyia:

<sup>8</sup> Ka Jehova eltehke, tiingi mbing enye; lim ka ajahbe bo kahn ji á ma lim.

<sup>9</sup> Yim ka-e, yim tehk-e; tooro kpee bade akpokosi ntum enye.

<sup>10</sup> Ka ellub egea mbarebara mbing; nong ntim nyi ane ba kp-e sebe bel eyebatahng.

<sup>11</sup> Seb Jehova a atahne enye; jo seb esamahr ebe ngare kpekpe.

<sup>12</sup> Buumu agan nsol nya á ma lim, akpokosi

enye, fvfo elam eje ji á ma tiingi,

<sup>13</sup> wahn alokeltum ebe, et'tohngo ji Isreel, wahn ji á yehken no, abon ba Jakob.

<sup>14</sup> Ye wo li Jehova Esowo ebahre; elam eje li go njini kpee.

<sup>15</sup> Á kp'buumu nwongo enye go njinanjini, enyam bi á yame no, li ka aying atahlankuaku,

<sup>16</sup> nwongo nyi á ko a Ebrahim, enyam bi á ayame tong Isak.

<sup>17</sup> Á limi yiimi ka Jakob ana ntahm, ka anebe Isreel ana nwongo nyi li go njinanjini.

<sup>18</sup> <<Wo wo m bahk-a kake ndi nyi Kenan ana erohko edi ji a bahke lehke elkv.>>

<sup>19</sup> Eji bo jolo amohk ane abika bik, sahb s'se, fvfo bo jolo ajenne o,

<sup>20</sup> bo jo beeme yanng ejahbe ejahbe, bomo ejahbe etul ajehng rehng ajehko.

<sup>21</sup> Á tikem taame re nne nohk bo; tib ebo esi á nyame atul.

<sup>22</sup> <<Kana koro ane ebame ba m ma kak bo akehng go esi; kana lim anyehnamahr ebame ejum.>>

<sup>23</sup> Yimen ka Jehova, wahn njini kpee; tiingi bade eltahre ene efung efung.

<sup>24</sup> Lenng bade ellub ene go ellong ajahbe, agan ellimi ene go ellong ane kpee.

<sup>25</sup> Jehova kp'gbale sehng sahb f'fuumu go el-tehke; ye wo fuumu re bo fahl-e sehng asowo nyako kpee.

<sup>26</sup> Tibre asowo nyako kpee nya ajahbe alokelom nya, wo Jehova wo limi elbung.

<sup>27</sup> Ekpunu a elub li go ega; atahne a eyebatahng

li ege edi ellene.

<sup>28</sup> Tehken Jehova, wahn abangenhahb kpee nya njini, kaan Jehova ellub a atahne.

<sup>29</sup> Kaan Jehova ellub ni fuumu a mbing enye; ko ayare ba anya ege esamahr. Fvfo baan go ege elbohngo. Kaken Jehova ege ekpunu ji li saang.

<sup>30</sup> Nong njini kpee jo kahm akahb ka-e! Njini nyia tiki yim t'tahne; nnene nehm ma yuudu.

<sup>31</sup> Nong elbung bel eyebatahng, nong ndi bel elgeere; nong bo bung go ellong ajahbe re, <<Jehova wo kp'fili edi!>>

<sup>32</sup> Nong agburu alahb kpee sahb w'wahl, a nsol kpee nyi wob o; nong adi ebgbe bel elgeere a ejum ajehng ajehng ji li o!

<sup>33</sup> Nong nti ekulegbe jo yim, nong bo jo yim go eyebatahng ka Jehova, tib á kp'bake ba lam njini.

<sup>34</sup> Kaken Jehova saam, tib á kp'nobo; elkoro ene li ano ano go njinanjini.

<sup>35</sup> Bung tong-e re, <<Tahr-r, Esowo nt'tahre ewahre, kpuu-r bum edi ajehng, wo yehk-r yake go ajahbe nyako, eji e l'kak mbarebara mbing enya saam, fere ka ellub ega eltehke.>>

<sup>36</sup> Eltehke jol ka Jehova, Esowo bi Isreel, bomo go njinanjini song rehng go njinanjini. Owo ane kpee kehm bungu re, <<Jol ano>> fvfo tob bung re<<Tehken Jehova.>>

<sup>37</sup> Devid tahme Asafi a ane ebe ba jolo a ne sa o esamahr elkohl ni nwongo nyi Jehova re bo jo lim eltum o ngare kpe kpe, ana eltum bahke jo jol efung efung.

<sup>38</sup> Á tob tahme Obed Edom a ane atahlara ane anehkeni '68' ebe sa re bo jo lim eltum a bo. Obed



Edom mmon no nlum no Jedutun, abola Hosa bo jolo ane ba jo baabe abuga

<sup>39</sup> Devid tahme Jadok ji nlimanjom sa a atoono abalimajom ebe go ebkpatahk bi Jehova go edi elkake go Gibeá,

<sup>40</sup> re bo jo lim njom nyio nyi eljahme fi ka Jehova go egudu njom jio ji eljahme fi ngare kpe kpe, efungfu a elgung, toono ana bo nyono ejum ajehng ajehng go atahm nya Jehova, nya á ma ka Isreel.

<sup>41</sup> Bo ji kpe jol budu, jolo, Heman a Jedutun go erik ji bo yehke bo fere gamme bo abing re bo jo kak Jehova saam, <<tibre elkoro ene li go njinanjini.>>

<sup>42</sup> Heman abola Jedutun ebo eltum ebo li re bo jo wor atang fere jo kak asoongo, fvfo fere jo kub nsol elkubu go ese ji li saang. Abon ba nlum ba Jedutun tiki jo yiimi mbuga.

<sup>43</sup> Owo ane kpee kehm yaame kehng eboa ntahk, fvfo Devid tob feere kehng re a song fuulu ebangenahb eje.

## 17

### *Enyam Bi Esowo Nyame Tong Devid*

<sup>1</sup> Ngare nyi Devid ma ji ege ekpasiki, á tongo Natan nnyehnamahr re, <<Anv me n lene etahk ji bo ko aseda si, gana elkohl ni nwongo nyi Jehova wob ebkpatahk.>>

<sup>2</sup> Natan faange Devid re, <<Ajehng ajehng ji wob-a eltim lim ano tibre Esowo li a na.>>

<sup>3</sup> Wo atv mao ellum ni Esowo kehm bake goji Natan rea;

<sup>4</sup> <<Song, wo song tong Devid nlokeltum ewame re, <Ejum ji a ji Jehova kp'bungu re: Wo sang bahke sehke etahk ji me n bahke lene.

<sup>5</sup> Me n ka l'lene go etahk, bomo efung bi n yehke Isreel go Ijib tete tub lela. Me kpo jen go ebkpatahk abehng rehng nkpe ebkpatahk behko, n kpo jol edi ellene jehko fere jol ajehka.

<sup>6</sup> Eji n kpo jen a anebe Isreel kpee, me n b'bung tong atubesi eboa, bo ji n kaa bo elkahn re, bo jo baabe ane ebame, <Jenji wahnge n kala si etahk aseda kaam?> >>

<sup>7</sup> Anv fvfo tong Devid nlokeltum ewame re, <<Ejum ji a ji Jehova Ji Kp'fili Elbung a Ndi kp'bungu re, N yehk-a go emahng, edi ji a jo baabe atohkondi, fere yak-a ka re, wo jol ntubesi ka ane ebame Isreel.

<sup>8</sup> Me n jol a na edi ajehng ajehng ji a je no, fvfo me n yehke anebekv eba kpee ega elbohngo. Anv m bahke limi mbing enya jol ana abing nya agburu ane ba njini.

<sup>9</sup> M bahke toobo edi bum Isreel ane ebame, m bahke jehke bo, eji bo l'bel ejahbe ji bofono, eji bo l'k'jo gbiingi bo. Aneb eblum nehm kpe jo kak bo erem ekake kake, ana bo jo lim bo go ngbokambang,

<sup>10</sup> ana bo bomo ellimi wuku wuku ngare nyi n yehke atubesi bum re, bo jo kpur Isreel ane ebame. M bahke rede anebekv eba kpee. <<Me n lennge tong-a re, Jehova bahke sehke etahk ka-a:

<sup>11</sup> ngare nyi afung enya ma mal, a ma tahm eljolo a babnso, m bahke yehke mmon awohng ewa no nlum go ellong abon eba ba nlum no

bahke woongo asi enya, mmon ewa no nlum antahng antahng, m bahke limi etul ebe gbal.

<sup>12</sup> Ye wo bahke sehke etahk kaam, fvfo m bahke limi eti etul eje yiimi tahne go njinanjini.

<sup>13</sup> M bahke jolo nde no ewe, ye bahke jolo mmon ewame, N nehm tiki yehke elgoro ename go ege, ana n yehke no goji nne no gbo mbang fili edi ka-a.

<sup>14</sup> M bahk-e kunu re á jo kpur etahk ejame fvfo nji etul enyame bahke jolo go njinanjini; eti etul eje bahke gbale go njinanjini.>>

<sup>15</sup> Natan tooro kpee tong Devid, alum nya ellennge nia.

### *Ero Bi Devid Kake no*

<sup>16</sup> Owo ntul a Devid kehm song ji esamahr bi Jehova, kehm bungu re, <<Me n li jen. Jehova Esowo, ebangenahb ejame tob li jen, ji wahnge a mam ka efa bia?

<sup>17</sup> Jol jia wa-a gbalem ega elbohngo, Esowo ebame, wob kpe bung bade es'song ebangenahb ji nlokeltum ewa. Wo Jehova Esowo, a ma-m nyehn are, nne no kp'sahb w'wahre go ellong ane o.

<sup>18</sup> Jenjii, me Devid bahke kpe bung tong-a eji a ma kpunu nlokeltum ewa ano? Tibre a kp'kahne nlokeltum ewa.

<sup>19</sup> Jehova, tib esi ji nlokeltum ewa, fvfo ana li ntir enya, wob lim egburu ejum jia, fere lim ka re bo kahn agburu anyam kpee.

<sup>20</sup> Nnene lim no li ana wo, Jehova, fvfo Esowo bindiki go limm sehng wo, ana wahr ma wuk egahre atung.

<sup>21</sup> Fvfo nne awoo li ana Isreel ane eba, ejahbe na ajehng go njini ji Esowo ma fak ane ka elne,

fvfo re á lim mbing ka elne, fere lim agburu amennge akpokosi, go mbang nyi a kame ajahbe yehke go esamahr ane eba, bo ji a fake bo yehke go Ijib?

<sup>22</sup> A limi Isreel ane baba bo jol go njinanjini, fvfo wo, Jehova wob jol Esowo ebo.

<sup>23</sup> <<Anv Jehova, nong enyam bi a ma nyam bada nlokeltum ewa a ebangenahb eje jol ano go njinanjini. Lim ana a nyame no,

<sup>24</sup> eji l'lohko gbal tahne, fvfo mbing enya bahke gbale wahre go njinanjini. Owo ane bahke bungu re, Jehova Ji Kp'fili Elbung a Ndi, Esowo bi li ka Isreel, ye Esowo bi Isreel bi. Fvfo ebangennahb ji Devid nlokeltum ewa bahke yiimi t'tahne ega elbohngo.

<sup>25</sup> <<Wo ji li Esowo ebame, wob lennge ka-m, me nlokeltum ewa re, wo bahke sehke etahk ka-m. Tib esi jia nlokeltum ewa ebbel ekakeltim re, á kak ero ka-a.

<sup>26</sup> Wo, Jehova, wo Esowo bi, wob nyam anoobo nsol nyaa tong nlokeltum ewa.

<sup>27</sup> Anv ma-a yebe re wo fuulu ebangenahb ji nlokeltum ewa, eji l'jol jo soro asi go njinanjini ega esamahr, fvfo wo Jehova wob fuulu, eblhoko bel elfuulu go njinanjini.>>

## 18

### *Esehng Ehta Bi Devid*

<sup>1</sup> Eji ma kang, ntula Devid bohko a anebe Filista ebta fere ga bo, fvfo á koo ejahbe Gati a abon ajahbe ba li senng kak go abo nya anebe Filista ba jo fili bo.

<sup>2</sup> Fvfo Devid tob ga anebe Moab, bo fere woom-e go elwo jo ko ayare ba ka-e.

<sup>3</sup> Budu o fvfo, Devid tob ga Hadadeje ntul no Joba go Hamati, eji á tahme re á kpe song bel eko go aya ma Ufrati.

<sup>4</sup> Devid taare amvtv akuungu enye, atahltahl nkpel ebal atahlawubu '1,000,' abaf'fingi jolo atahltahl nkpel ebal atahlawubu go nkpel esema '7,000,' budu nsoja nyi jene akpade, bo jolo atahltahl nkpel ebal atahlawubu go nkpel eltahl '20,000.' Fvfo Devid banne any'nya akpade kpee nya jo fing amvtv akuungu fere bum eny'nya atahl alon '100' nya jo fing amvtv akuungu.

<sup>5</sup> Eji anebe Aram ba Damakusi ba re, bo ba tob Hadadeje ntul no Jabo, Devid wulu bo ane atahltahl nkpel ebal atahlawubu go nkpel eltahle-bal '22,000.'

<sup>6</sup> Á kake mbaabe go etul bi anebe Aram ba Damakusi, fvfo anebe Aram fere woom-e go elwo jo ko ntahbe ba ka-e. Jehova jo ka Devid esehnge ebta edi ajehng ajehng ji á jo je.

<sup>7</sup> Devid kpuu akum nya bo ko agul lim nya atubesi eltum ba Hadadeje, solo no ba, á ko feere ba bum Jeusalem.

<sup>8</sup> Bomo go ajahbe Teba a Kun ajahbe nya jolo ka Hadadeje, Devid tob kpuu abilekpi o gbalee, nya nya Solomon koo no lim egburu nkpaanga ngbojok nyi bo jo lung re, Aya abilekpi. Á tob ko lim ago a ajoobo akpeeke.

<sup>9</sup> Eji Tou ntul no Hamati wuku re Devid ebga nsoja kpee nyi Hadadejer ntul no Joba,

<sup>10</sup> á tumu mmon ewe no nlum Hadoram tv ntul

a Devid re, á song kak-e nnyo fere tehk-e ege esehnge ebta go ebta bi á noko a Hadadeje ye ji jo nok a Tou. Hadoram koo ajoobo nsol agul a nya asilva go abilekpi ba ka Devid.

<sup>11</sup> Ntul a Devid yake ajoobo nsol nyaa kpee kak Jehova go ebo, ana á tohko lim agul a asilva kpee nya á daa ajahbe nyako, ana Edom a Moab Ammon, Filista go Amalek.

<sup>12</sup> Abisayi ji mmon no nlum no Jeruya wulu anebe Edom, atahltahl nkpel ebal atahlawubu go nkpel elkura '18,000' go edamme akang.

<sup>13</sup> Á kake mbaabe go Edom, anebe Edom kpee fere woomo Devid elwo. Jehova jo ka Devid esehnge ebta edi ajehng ajehng ji á jo je.

### *Atubesi Eltum Ba Devid*

<sup>14</sup> Devid fili Isreel kpee, jo lim ji jolo nseenga nseenge a ji jo tor kpee ka ane ebe.

<sup>15</sup> Joab mmon no nlum no Jeruyiya wo jolo ntubesi a nsoja, Jehosafati mmon no nlum no Ahilub wo jo nyon nsol kak go nwer,

<sup>16</sup> Jadok mmon no nlum no Ahitub a Ahimelek mmon no nlum no Abiata bo ba jolo abalimajom, Savisa wo jolo nnyonawer.

<sup>17</sup> Benaya mmon no nlum no Jehoyada wo jolo ntubesi ka anebe Kereti a Peleti fvfo abon Devid ba nlum ba jolo atubesi eltum go ejang bi ntul.

## 19

### *Devid Gaa Anebe Amon*

<sup>1</sup> Eji ma kang, Nahasi ntul no anebe Amon ba kpo, fvfo mmon ewe no nlum wo ko nji etul enye.

<sup>2</sup> Devid tiri re <<M bahke tibi Hanun mmon no nlum no Nahasi nnoobo eltim, tibre nde tib-m nnoobo eltim.>> Owo Devid kehm tumu akahmekahme ane tv-e re bo song bung kak-e eltim bada nde ewe. Eji akahmekahme ane ba Devid tumu no je goji Hanun go ndi nyi anebe Amon re bo song kak-e eltim,

<sup>3</sup> atubesi nsoja anebe Amon tongo Hanun re, <A kp'tiri re, Devid kp'kpunu na nso ewa oa, eji á tumu ane baa tv-a re bo ba kak-a eltima? Ka lohng re ane baa ba re bo ba feede fere weele nyehn ejahbe jia seb mbang nyi bo bahke ba rannga?>

<sup>4</sup> Owo Hanun kehm bobo ane bao ba Devid tumu no, kpud bo alahng, kiimi akpawobo ebo ekidi njahm fere tong bo re bo song.

<sup>5</sup> Eji nne ba tong Devid bade ane ebe, á tumu ntiingi etib re a song kpiri bo, tib bob sono bo sehng. Ntul bungu re, <Jolen go Jeriko tete alahng enyahne tahb, wahn kehm bake.>

<sup>6</sup> Eji anebe Amon sebe kahn re, bob jol abi ane ka Devid, Hanun a anebe Amon kehm tumu asilva nya bahke rehng ekilo atahltahl nkpel ebal atahlawubu go eltahla nkpel ewubuni '34,000' tv re bo song yaame amvtv akuungu a abaf'fingi goji anebe Aram Naharayim, Maaka a Joba.

<sup>7</sup> Bo yaame amvtv akuungu atahl alon alon nkpel atahlawubu a nkpel eltahl a abaf'fingi, tob budu ntul a Maaka a nsoja enye, bo ba bum abehre kohlo Medeba, gana anebe Amon ebkono elbo ebo ajahbe mehl tahm ebta.

<sup>8</sup> Devid wuku kan ano, a kehm tumu Joab a

nsoja enye kpee, bo ane ba kpi ebnere ebta anoko.

<sup>9</sup> Anebe Amon kehm lohngo ba ser ebta go elsehng ni ejahbe ebo, gana atul ba toono bo ba, bo jolo gbul gbul gbuul ga ejahbe.

<sup>10</sup> Joab nyehne re anebe ebta jol-e es'song fere jol-e ga njahm, owo á jake atahntahn nlong nsoja o Isreel re bo yiimi a anebe Aram.

<sup>11</sup> Erik aneblum bako á yake bo ka Abisayi ji mmonannyehn re á jol ntubesi a bo, bo ba yiimi a anebe Amon.

<sup>12</sup> Joab bungu re l'jol re anebe Aram l'kehm tahne sehng-m, ba wo ba tobem, wo l'fere jol re anebe Amon yahke tahne sehng-a, m bahke bake ba tob-a.

<sup>13</sup> Bel atahne, nong wahr nok go esahb ka ane ebahre a ajahbe nya Esowo ebahre. Jehova bahke limi ji bahke nobo ege ejang.>

<sup>14</sup> Owo Joab a nlong nyi jolo a ne kehm sehke ata elnoko a anebe Aram, anebe Aram be tahm.

<sup>15</sup> Eji anebe Amon sebe kahn re, anebe Aram kp'beke, bo fvfo tob be Abisayi ji mmonannyehn song yel atahng ejahbe. Owo Joab kehm feere kehng go Jerusalem.

<sup>16</sup> Eji anebe Aram nyehne re anebe Isreel ebga bo, bo tumu atiingi etib tv anebe Aram, bo ko bo ba nkpe aya ma Ufratis, Sofak ji jolo ntubesi a nsoja nyi Hadadejer wo ko bo ba.

<sup>17</sup> Eji bo tongo Devid bade ejum jia, á kuu anebe Isreel kpee bo siiri aya Jodan, á song sehke ata yiimi songo songo wane a bo. Devid yehke nsoja enye bum re bo nok a anebe Aram, bo l'lohko nok a ne.

<sup>18</sup> Wo, bo be esamahr Isreel, fvfo Devid



wulu ane ba kpo fing amvtv akuungu, jolo ane atahltahl nkpel ebal atahlawubu go nkpel esema '7000,' nsoja nyi jene akpade nyi á wulu no jolo ane atahltahl nkpel ebal atahlawubu go nkpel atahlable '40,000.' Á wulu Sofak ji jolo ntubesi a nsoja abo.

<sup>19</sup> Eji atul kpee ba woomo go elwo ni Hadadeje nyehne re, Isreel ebga bo sehng, bo ba limi elkoono a Devid fere woom-e elwo. Tib esi jio anebe Aram joom kpe seb re bo tob anebe Amon nkpel anyehng anyehng.

## 20

### *Devid Ko Ejahbe Raba*

<sup>1</sup> Ngare nyi nnale yake bom, ngare nyi atul kpo lohng song nok nta, Joab wo lohngo a nsoja. Yeb lim ndi nyi anebe Amon ebsa nehmenehme, fvfo á tahme go Raba song kehme elranng, wo ntula Devid jolo ga Jerusalem. Joab noko a ejahbe Raba, ejahbe jio fere sa nehmenehme.

<sup>2</sup> Devid wobo ekpasi ji ntula bo ege esi, eji bo dumu no lubu rehng ebahk agul, eltahl ebahk ebwubu ebahk ebni '34' bo ko atal nya nno a nno lim, bo koongo Devid ege esi. Á daa nsol gbalee go ejahbe jio kehng anyi,

<sup>3</sup> á fere yehke ane ba jolo o, ba kak bo eltum nti ayange, akuungu go nfuk, Devid limi jia go ajahbe Amon kpee. Owo Devid a nsoja enye kpee kehm feere kehng go Jerusalem.

### *Ebta Bi Gbo Bade Anebe Filista*

<sup>4</sup> Eji ma kang, ebta kehm gboko go Geje a anebe Filista a anebe Ireel. Ngare nyio Sibekayi nne a

Husati wulu Sipayi ye ji lohng go et'tohngo ji Refa, fvfo anebe Filista bo g'ga bo.

<sup>5</sup> Go ebta behko a anebe Filista, Elhanan mmona Jayir no nlum wulu Lami ji mmon-nayehna Golaya nne a Giti ye ji bele elkong ntahke elban nyi sahb s'subu ana ehti bi bo kpo ko tub abomo.

<sup>6</sup> Go ebta behko bi kpe gbo, jolo go Gati nne awohng jolo o no jolo ekolo, á bele anyohkobo arakera ebo abehng abehng, anyehkgung arakera go ekpade ajehng ajehng, kpe kpe eltahl a nsol eni. Ye fvfo lohng et'tohngo ji Rafa.

<sup>7</sup> Eji á jo nyok anebe Isreel, Jonatan mmona Simeya no nlum ji mmonannyehna Devid wo wul-e.

<sup>8</sup> Ane baa lohng et'tohngo ji Rafa go Gati, bo kpee Devid a ane ebe wulu bo.

## 21

### *Devid Fange Abanoko Ebta*

<sup>1</sup> Nnehm kehm mehle nfem bade anebe Isreel, ba ka Devid ebi ntir re á fange nfange anebe Isreel kak bo abing go nwer.

<sup>2</sup> Owo Devid kehm tongo Joab a atubesi nlong nsoja re, <<Songen wahn song fange anebe Isreel bomo go Beerseba tete rehng go Dan. Wahn feere ba tong-m eji n kahn ana bo ruru no.

<sup>3</sup> Wo Joab faange re, <<Nong Jehova lim bo rur nkpel atahlalon budu. Nsoo ntul ewame anv, bo kpee ane ba wob nsoo ntul ewame go elwo sanga? Jenjii wahnge nsoo ntul yake lim jia? N'nan á yahke ko ebi ba kunu Isreel?>>

<sup>4</sup> Limi limi kan ellum ni ntul ni yiimi sehng ni Joab; owo Joab kehm tahme jen yanng go Isreel kpee, fere feere kehng Jeusalem.

<sup>5</sup> Joab ba tooro nfange nyi aneblum ba bahke ma nok ebta tong Devid: go Isreel kpee jolo ane emilon anyehng budu ane atahltahl nkpel ebal atahlawubu go nkpel atahla alon '1,100,000' bo ji bahke ma fili ekahngkahng, go ane atahltahl nkpel ebal atahlawubu go nkpel eni budu ane atahl are ane awubu '470,000' bo ji lohng go Juda.

<sup>6</sup> Wo Joab fangem anebe Levi a et'tohngo ji Benjamin budu go nfange nyia, tibre elkahn ni ntul ka-e no moong-e eltim sehng.

<sup>7</sup> Elkahn nia tob jolo eb'bi go esamahr bi Esowo, tib jio ji wahng á kake Isreel erem.

<sup>8</sup> Owo Devid kehm tongo Esowo re, <<Me n lim agburu abiafem eji m ma lim jia. anv n kp'gboongo re wo tahm ka nlokeltum ewa ebi jia. Me n lim egboolo ejum>>.

<sup>9</sup> Jehova kehm tongo Gad ji jolo nnyehnamahr no Devid re,

<sup>10</sup> <<Song wo song tong Devid re <Ejum ji a ji Jehova kp'bungu re, N kp-a kake nsol era. Yehke ejum ajehng ji m bahk-a limi.>>

<sup>11</sup> Owo Gad kehm tahme goji Devid, song tonge re, <<Ejum ji a ji Jehova kp'bungu re; <<Yehke ejum ji kor-a no;

<sup>12</sup> njal go nnya era, afii anebekv ko nnyahng era kam-n go ebo akahngkahng, afii Jehova ko ekahngkahng kak ndi erem go nfung era nyi á bahke koko enjel enye ba ranng anebe Isreel go nkphoko anyehng anyehng. Anv toobo ana m bahke faange nne no tum-m no.>>

<sup>13</sup> Devid faange Gad re, <<Me n yel egburu nfem. Nong me n gbo yel abo nya Jehova, tib ndon enye kp'gbale; wo, ka nongo me n gbo yel abo nya nne.>>

<sup>14</sup> Owo Jehova kehm tumu ebi eyam tv anebe Isreel, fvfo aneblum ba kpo no jolo ane atahltahl nkpel ebal atahlawubu go nkpel atahla ara ane awubu '70,000.'

<sup>15</sup> Fvfo Esowo tumu enjel tv re, á song ranngé Jeruselem. Wo ana enjel jo lim ano asongo, Jehova nyehn fere rahke erem bio, kehm tongo enjel nyi jo ranngé ane re, <<Ebgbal! yehke ebo eba.>> Enjel nyi Jehova sa yiimi edi arasi aruumu ji Aruana nne a Jebusi.

<sup>16</sup> Devid kehm seenge nyehn enjel nyi Jehova yim no go elka elka ni elbung a ndi, a ekah-ngkahng bi á wobo no ege ebo kp'tono tv go Jeruselem. Owo Devid a anebkul kehm kake nsol elkv anoongo gbo kohk asamahr ndi.

<sup>17</sup> Devid tongo Esowo re, me sang ka elkahn re bo fange aneblum ba bahke ma noka? Me mbaabe ebul, me n lim abiafem fere lim elsoodo. Bo ejoro bi. Bob lim jen? Jehova Esowo ebame, nong ebo eba gbo kuumu me a ebangenahb ejame, wo ka nongo erem bia sa a ane eba.

### *Devid Limi Egudu Njom*

<sup>18</sup> Owo enjel nyi Jehova kehm kake Gad elkahn re, á song tong Devid re, á song lim egudu njom ka Jehova go edi arasi aruumu ji Arauna nne a Jebusi.

<sup>19</sup> Devid kehm mehle tahm, á kpunu ellum ni Gad ma bung go mbing nyi Jehova.

<sup>20</sup> Eji Arauna jo ruumu nkohlsak á kehm keebe nyehn enjel, abon ebe ba nlum na ani be song biiri.

<sup>21</sup> Devid soro ba lohng, eji Arauna seenge no nyehn Devid, á tahme o edi arasi aruumu song gong esamahr ebe ndi ka Devid.

<sup>22</sup> Devid tong-e re, <<Nong me n ko edi arasi aruumu eja jia, eji n l'lim egudu njom ka Jehova, eji erem bia bade ane l'rahke. Gung-m go ekun bi fuumu no.

<sup>23</sup> Arauna tongo Devid re, <<Ko me, nong nsoo ntul ewame lim ana yeb-e no. Nyehno, m bahke kake efong a ko lim njom nyi eljahme fi, nti nkohlsak aruumu jol ana nkun, fvfo nkohlsak bahke jolo ka njom nyi akohl. M bahke kake nyaa kpee.>>

<sup>24</sup> Wo ntula Devid faange Arauna re, <<E,ee n nehm ko k'gunu na ka ekun, n nehm ko j'ja ka Jehova afii lim njom nyi eljahme fi nyi kii-m kim ekun abehng abehng.>>

<sup>25</sup> Owo Devid kehm kpiki Arauna ebahk agul, atahl alon alon edi ebrakera go edi jio.

<sup>26</sup> Devid limi egudu njom o, fere lim njom nyi eljahme fi a nyi elkoono. Á lungu Jehova, fvfo Jehova faang-e faange go agun kehm lohngo go ejahbetul ba yel egudu njom ji njom ayare eljahme fi fere fi njom nyio.

<sup>27</sup> Owo Jehova kehm tongo enjel, fvfo á feere ekahngkahnhg ebe kak mbak.

<sup>28</sup> Ngare nyio, eji Devid nyehne re Jehova me-e faange go edi nkohlsak aruumu ji Arauna nne a Jebusi, á tob jo limi ajom o.

<sup>29</sup> Mobkpatahk no Jehova, no Mosis limi no go

ewumwum ndi k'lehmahng ajele a egudu njom ji eljahme fi, ngare nyia kpaka li go edi Jehova akake go Gibeon.

<sup>30</sup> Wo Devid maam je song bahb elle goji Esowo, tibre á jo f'fahl ekahngkahng bi enjel nyi Jehova.

## 22

<sup>1</sup> Owo Devid kehm bungu re, <<A wo nobo re etahk ji Jehova Esowo jol, fvfo tob budu egudu njom ji eljahme fi ji Isreel.

### *Ntoobo Nyi Etahk Esowo Go Elsehke*

<sup>2</sup> Owo Devid kehm kake elkahn re bo kuu ajahmjahm nya lene Isreel, go ebo ellong wo á yehke anebe atal ajiki, re bo soongo atal nya bo bahke koko si etahk Esowo.

<sup>3</sup> Á kaa akuungu gbalee nya bo bahke koko lim aba nya ati mbu, a nya bo bahke jo kum kono atem, go abilekpi gbalee nya bo l'k'ma dumu.

<sup>4</sup> Á tob ka akv nti aseda nya bo l'k'ma fange, tib anebe Sidon a anebe Taya ko go nrur ba ka Devid.

<sup>5</sup> Devid bungu re,<<Mmon ewame no nlum Solomon kpaka li mmojangkun, á ka bel ngbere, fvfo etahk ji li re bo si ka Jehova bahke jolo ji bahke lohngo egburu elgahm, bahke yeere, bel ellub go ajang ajahbe kpee. Fvfo m bahke toobo nsol bum sik. Owo wahnge Devid toobo nsol go ntooranti, afung elkv ene kehm rehng.

<sup>6</sup> Á kehm lungu Solomon mmon ewe no nlum, kehm-e kake elkahn re, á si etahk ka Jehova, Esowo bi anebe Isreel.

<sup>7</sup> Devid tongo Solomon re, <<mmon ewame no nlum, jol-m ga eltim re me n si etahk ka Mbing nyi Jehova Esowo ebame.

<sup>8</sup> Wo Jehova bungu aname re,<<Wob faade alung gbalee, fvfo wob nok agburu nta gbalee. Wo sang bahke sehke etahk ka Mbing enyame, tibre wob faade alung gbalee go ndi egame esamahr.

<sup>9</sup> Wo, á bahke bele mmon no nlum no bahke jolo nne elkoono a erekekv, m bahk-e kake erekekv go abo nya anebekv ebe kpee go ejang ajehng ajehng. Mbing enye bo bahke jo lung-e re, Solomon, m bahke kake anebe Isreel elkoono a enange ngare efilane eje.

<sup>10</sup> Ye wo bahke sehke etahk ka Mbing enyame. Á bahke jolo mmon ewame no nlum, fvfo m bahke jolo nde no ewe. M bahke limi eti etul eje gbal ka anebe Isreel go njianjini.>

<sup>11</sup> <<Anv mmon ewame no nlum, Jehova jol ana, fvfo nong nob a na, wo si etahk ji Jehova Esowo eba ana á tongo re a bahke limi.

<sup>12</sup> Nong Jehova lub ka-a elkahne a ngbere ngare nyi á l'rod-a lim ntubesi ka Isreel, eji a l'bum atahm nya Jehova Esowo eba.

<sup>13</sup> Owo bahke nobo a na, a l'lub bel ekunukpu jo bum atahm a ntibi nyi Jehova ka Mosis re jol ka Isreel. Bel atahne a ekakeltim. Ka bel elfahle, jol eltim ki-a woono.

<sup>14</sup> Me n ko egburu elmaange toobo nsol bum sik etahk Jehova, agul gbale senge emilon akilo agul era a atahltahl nkpel ebal atahlawubu go nkpel atahltahl '3,400,000,' a asilva nya gbale senge emilon akilo asilva atahlawubu eni '34,000,000.'

Abilekpi gbalee a akuungu nya kp'gbale ana nne l'k'ma dumu, nti a atal. Wofono bahke ma kpe kpele budu.

<sup>15</sup> A kpi anebeltum gbalee, abajiki atal, abalange akahme, abakono ajangenti a ane ba kpi ajoobo abo ntum go elkohn eltum anehng anehng,

<sup>16</sup> go agul a silva, abilekpi a akuungu, anebe agb'gbe jolo go nlong ana nne l'k'ma fange. Anv bom eltum, nong Jehova jol a na.

<sup>17</sup> Owo Devid kehm kake anebkul Isreel kpee elkahn re, Bo kak Solomon mmon ewe no nlum ebo.

<sup>18</sup> Á tongo bo re, lohkem li re Jehova Esowo ebahne li anahna? Á wahn ka ka erekekv ajang kpe kpea? Tib yeb yake ane ba lene a kak-m abo, fvfo ndi wob elwo ni Jehova, tob wob ane ebe ebo.

<sup>19</sup> Anv koon ntim enyahne a atohko enyahne wahn jo seb Jehova Esowo ebahne. Bomen elsehke edi ji li saang ji Jehova Esowo, eji n l'song ko elkohl nwongo nyi Jehova a nsol nyi li saang nyi li ka Esowo, ba kak etahk ji bo bahke sehke ka mbing nyi Jehova.

## 23

### *Ntum Nyi Anebe Nlaaga Ba Levi*

<sup>1</sup> Eji Devid ma kang nnya tvv sahb k'kul, á kehm bobo Solomon mmon ewe no nlum etul ka Isreel.

<sup>2</sup> Á tob lungu atubesi Isreel kpee kono, a abali-majom go anebe nlaaga ba Levi.

<sup>3</sup> Anebe nlaaga ba Levi ba ma kang rehng eltahl a nnya ewubu k'kunu bo ba bo fange bo, nfange



a bo kpee nyi aneblum jolo atahltahl nkpel ebal atahlawubu etahla nkpel elkuni '38,000.'

<sup>4</sup> Devid bungu re, <<Bo jia a, jolo ane atahltahl nkpel ebal atahlawubu nkpel atahlani '24,000,' bo bahke jolo ka eltum ni etahk Esowo akake ji Jehova, fvfo atahl alon alon nkpel atahlara bahke jolo atubesi eltum a abalamalam.

<sup>5</sup> Ane atahltahl nkpel ebal atahlawubu nkpel eni '4,000' bahke jolo ane ba bahke jo baabe ati mbuga, ane atahltahl nkpel ebal atahlawubu nkpel eni '4,000' bako bahke jo tehk Jehova go nsol elkubu nyi m ma toobo bum tib eyaame jio.>>

<sup>6</sup> Devid yabe anebe Levi bum go nlong era, toono abon ba nlum ba ebangenahb ji nlaaga nyi Levi: ebangenahb ji Gerson, ebangenahb ji Kohati, a ebangenahb ji Merari.

<sup>7</sup> Bo ji lohng ebangenahb ji Gerson, Ladan a Semeyi.

<sup>8</sup> Abon ban lum ba Ladan: Jehiyel wo li ng-bokambang, Jetam a Joel, bo kpee jolo ane ara.

<sup>9</sup> Abon ba nlum ba Simeyi: Selomoti, Hajiel a Haran bo kpee jolo ane ara. Bo jia ba jolo atubesi ebangenahb ji Ladan.

<sup>10</sup> Abon ba nlum ba Simeyi: Jahati, Jija, Jeusi a Beria bo jia ba jolo abon ba nlum ba Simeyi bo kpee jolo ane ani.

<sup>11</sup> Jahayi wo jolo ngbokambang, Jija jol etoono, wo Jeusi abola Beria bo belem abon ba nlum gbalee, bo fange bo ana ebangenahb ajehng, eltum anehng ni bo ka bo.

*Anebe Nlaaga Ba Kohati*

<sup>12</sup> Abon ba nlum ba Kohati: Amram, Ilar, Hebron a Ujiiyel bo kpee ane ani.

<sup>13</sup> Abon ba nlum ba Amram: Eron a Mosis, Eron a et'tohngo eje bo yabe bo bum eje eje go njinanjini, re bo jo lim sahb b'bar nsol nyi li saang, bo jo lim ajomjom ka Jehova bo jo lok-e eltum, fere jo fuulu ane go egea mbing go njinanjini.

<sup>14</sup> Abon ba nlum ba Mosis ji nne Esowo, bo fange bo ana bo lohng nlaaga nyi Levi.

<sup>15</sup> Abon ba nlum ba Mosis ba a: Gersom a Eliejer.

<sup>16</sup> Abon ba Gersom: Subayel wo jolo ngbokambang.

<sup>17</sup> Nlaaga nyi Eliejer nyi a: Rehabaya wo jolo ngbokambang. Eliejer belem abon bako ba nlum, wo abon ba nlum ba Rehabaya ruru sehng.

<sup>18</sup> Abon ba nlum ba Ijar: Selomoti wo jolo ngbokambang.

<sup>19</sup> Abon ba nlum ba Hebron: Jeria wo jolo ngbokambang, Amaria jol etoono Jahajiyel etoono ane ara, Jekameam jol etoono ane ani.

<sup>20</sup> Abon ba nlum ba Ujiiyel: Mika wo jolo ngbokambang, Isaya jol etoono.

### *Anebe Nlaaga Ba Merari*

<sup>21</sup> Abon ba nlum ba Merari: Mali a Musi. Abon ba nlum ba Mali, Eleaja a Kisi.

<sup>22</sup> Eleaja kpo, á belem abon ba nlum, sehngem abon ba nkal ba á bele no. Afun ebo ba jolo abon Kisi ba nlum ba ba baange bo.

<sup>23</sup> Abon ba nlum ba Musi ba a: Mali, Eder, a Jerimoti bo kpee jolo ane ara.

<sup>24</sup> Bo ji lohng nlaaga nyi Levi toono go ebo a ehangenahb, atubesi abangenahb ana bo nyohno abing ebo kak ebo go nwer, fere fange go nne awohng awohng. Ane ba bo nyohno abing ebo kak go nwer, bo ba jolo abalimeltum go etahk ji Jehova, bo jolo ane ba ma kang rehng nnya eltahl k'kunu.

<sup>25</sup> Tib Devid ebbung re, <<Eji Jehova Esowo bi Isreel ma ka ane ebe erekekv, fvfo yeb ba re, á ba lene a Jeusalem go njinanjini,

<sup>26</sup> anebe nlaaga ba Levi kpeem li re, bo jo sol mmobkpatahk afii nsol nyi bo kpo ko jo loko eltum o.>>

<sup>27</sup> Ana wo Devid gohro tub es'kohro elle, anebe Levi bo fange bo, bomo nnya eltahl k'kunu.

<sup>28</sup> Eltum ni anebe Levi li re, bo kak et'tohngo ji Eron ebo, jo loko eltum go etahk ji Jehova, bo ba bahke jo kpur alaaga nya etahk ji Jehova, anyo akp'kpa nya li akpekpe, jo lim nsol kpee nyi li saang jol saang, fere jo lim ajoobo abo ntum go etahk Esowo.

<sup>29</sup> Bo ba bahke jolo ka abred nya bo kpo lim kunu ekp'kuru, akahmekahme abe nya njom nyi akohl, afiiri fiiri abred nya ki kpi ayist, elbane a elsemme, fvfo ana bo bahke jo gaare kpee ana fuumu no a agbal enye.

<sup>30</sup> Bo bahke tob jo yiimi efungfu abehng abehng jo kak saam fere jo tehk Jehova. Elgung bo bahke tob lim ano,

<sup>31</sup> fvfo ngare anyehng anyehng nyi bo kp'limi njom nyi eljahme fi ka Jehova efung Esabad, efung ebareka nfenfe ji elkak, a afung nya nkak alimi. Bo bahke jo loko Jehova ngare anyehng

anyehng go nfange nyi bo kake no, fvfo go mbang nyi bo tooo ka bo.

<sup>32</sup> Ano wo anebe nlaaga ba Levi rodo eltum ebo jo lim go ebkpatahk bi elwane, go Edi Ji Li Saang, go elwo ni abonanyehn ebo et'tohngo ji Eron, go elloko ni bo jo loko etahk Jehova.

## 24

### *Ntum Nyi Abalimajom*

<sup>1</sup> A wo li nlong nyi et'tohngo ji Eron: Abon ba nlum ba Eron jolo, Nadab, Abihu, Eleaja a Itama.

<sup>2</sup> Wo Nadab abola Abihu bo tohko kpo ndea bo kehm kpoko, bo jelem mmon awohng awohng, fvfo Eleaja abola Itama bo jo loko ana abalimajom.

<sup>3</sup> Go ekakebo ji Jadok ji lohng nlaaga nyi Eleaja a Ahimelek ji lohng nlaaga nyi Itama, Devid yabe bo bum nlong a nlong toono ana á bake bo ntum.

<sup>4</sup> Bo nyehne egburu ellong atubesi ba lohng go nlaaga nyi Eleaja, sehng nlaaga nyi Itama, fvfo bo yabe bo toono ana bo jolo no, elkua ntubesi ebangenahb awohng '16' go nlaaga nyi Eleaja, atubesi ebangenahb anehkeni '8' go nlaaga nyi Itama.

<sup>5</sup> Bo tubu elfaange yab bo jol nnene bo rangem, tib jolo re bo bel atubesi ba edi ji li saang a atubesi ba eltum etahk Esowo go ellong ni alaaga nya Eleaja abola Itama.

<sup>6</sup> Nyonawer, Semaya ji mmon no nlum no Netanel nnea nlaaga nyi Levi, nyono abing ebo kak nwer go esamahr bi ntul a bi atubesi eltum. Jadok ji nlimajom, Ahimelek ji mmon no nlum no

Abiata a atubesi abangenahb nya abalimajom a anebe nlaaga nyi Levi, bo yehke nnahb anyehng goji Eleaja, fere tob yehke anyehng goji Itama.

<sup>7</sup> Ngbokambang elfaange gbo tub Jehoarib, etoono gbo tub Jedaya,

<sup>8</sup> etoono ebra gbo tub Harim, etoono ebni gbo tub Seorim,

<sup>9</sup> go eblon gbo tub Malkija, go ebrakera gbo tub Mijamin,

<sup>10</sup> go ebsehma gbo tub Hakoji, go ebnehkeni gbo tub Abija,

<sup>11</sup> go ebsehmwubu gbo tub Jesua, go ebwubu gbo tub Sekaniya,

<sup>12</sup> go ewubajehng gbo tub Eliasib, go ewubbal gbo tub Jakim

<sup>13</sup> go ewubera gbo tub Hupa, go ewubeni gbo tub Jesebeyab,

<sup>14</sup> go elku gbo tub Bilga, go elku ajehng gbo tub Immer,

<sup>15</sup> go elku ebbal gbo tub Hejir, go elku era gbo tub Hapijeji,

<sup>16</sup> go elku ebni gbo tub petahiya, go eltahl gbo tub Jehejikel,

<sup>17</sup> go eltahl ajehng gbo tub Jakin, go eltahl ebbal gbo tub Gamul,

<sup>18</sup> go eltahl ebra gbo tub Delaya, fvfo go eltahl ebni gbo tub Majia.

<sup>19</sup> Ana wo jolo esenngeltum ebo, bo l'yel etahk Jehova jo lim eltum, ana Eron ndea bo no nkul bake bo, ana Jehova, Esowo bi anebe Isreel ka-elkahn.

*Erik Anebe Nlaaga Ba Levi*

<sup>20</sup> Ana erik anebe nlaaga ba Levi; go abon ba nlum ba Amram; Subayel, go abon ba nlum ba Subayel, Jedeya.

<sup>21</sup> Ana abon ba nlum ba Rehabiya, go ege abon, Isia wo jolo ngbokambang.

<sup>22</sup> Go anabe Ijariti wo Selomoti long no; go abon ba nlum ba Selomoti wo Jahati long no.

<sup>23</sup> Abon ba nlum ba Hebron, Jeria wo jolo ngbokambang, Amaria etoono ane abal, Jahajiel jol etoono ane ara, fvfo Jekameyam wo jolo etoono ane ani.

<sup>24</sup> Mmon no nlum no Ujiyel, Mika, go abon ba nlum ba Mika; Samir.

<sup>25</sup> Mmonannyehn no Mika: Isiya; go abon ba nlum ba Isiya: Jekaria.

<sup>26</sup> Abon ba nlum ba Merari: Mali abola Musi. mmon no nlum no Jaajia, Beno.

<sup>27</sup> Abon ba nlum ba Merari bomo goji Jaajia, Beno, Soham, Jakur a Ibri.

<sup>28</sup> Goji Mali: Eleaja ye ji ki bel abon.

<sup>29</sup> Goji Kisi, mmon no nlum no Kisi, Jeramel.

<sup>30</sup> Fvfo abon ba nlum ba Musi, Mali, Eder, a Jerimoti. Bo jia ba jolo anebe nlaaga ba Levi toono go ebo ebangenahb.

<sup>31</sup> Bo tob tubu elfaange, ana abonannyehn ebo go nlaaga nyi Eron limi no, go esamahr bi ntula Devid a bi Jadok. Ahimelek a atubesi ebangenahb ba abalimajom a anebe nlaaga nyi Levi. Abangenahb nya mmonannyehn no nkulakul bo ka bo eltum ana bo tob ka abangenahb nya abonanyehn ba nseanse.

## 25

### *Eltum Ni Abayimase Go Etahk Esowo*

<sup>1</sup> Devid budu a atubesi nsoja, bo yabe abon ba nlum ba Asafi, Heman abola Jedutun, bo jol ka eltum ni amahr anyehne, jo ko atalehk, abuk a agehmegehme. A wo li abing aneblum ba jo lim eltum nia.

<sup>2</sup> Go ellong abon ba nlum ba Asafi: Jakur, Josef, Netania, a Aserela. Abon ba nlum ba Asafi jo limi eltum go elwo ni Asafi, ye ji jo nyehn amahr go ngare anehng anehg nyi ntul l'ka elkahn.

<sup>3</sup> Ana Jedutun, bomo ege abon ba nlum, Gedalia, Jeri, Jesaya, Simeyi, Hasabia, a Matitaya, bo kpee jolo ane arakera, bo jo limi eltum go elwo ni Jedutun ndea bo, ye ji jo nyehn amahr, jo ko ebuk jo kak saam, fere jo tehk Jehova.

<sup>4</sup> Ana Heman ege abon ba nlum, Bukia, Matania, Ujiyel, Subayel a Jerimoti, Hanania, Hanani, Eliata, Gidalti a Ramanti-Eje, Josibekasa, Maloti, Hotir, a Mahajioti.

<sup>5</sup> Bo jia kpee jolo abon ba nlum ba Heman, bo ba jolo abay'yehne ba ntul. Bo rodo bo ka ntul tib go anyam nya Esowo re, bo jo mehl-e wahre. Esowo ka Heman ewubu abon ba nlum na ani '14,' abon ba nkal ara '3.'

<sup>6</sup> Aneblum baa kpee jo limi eltum go elwo ni ndea bo go ase akubu go etahk Jehova, bo jo ko abuk, atalehk a agehmegehme, go eltum nio etahk Esowo. Asafi, Jodutun, a Heman bo jolo go elwo ni ntul.

<sup>7</sup> Budu a abonanyehn bako bo kpee kpili ebo eltum bio bi ase akubu ka Jehova, bo jolo ane atahl alon alon edi ebbal kunu atahlani '288.'

<sup>8</sup> Ajangkun a ak'kulu, at'tibi a abone nwer fvfo, bo kpee tubu elfaange ka eltum ebo.

<sup>9</sup> Ngbokambang elfaange ni jolo ka Asaf, gbo tub Josefi, abon ebe ba nlum a abonanyehn bo ewubu ane abal '12,' etoono gbo tub Gedalia, ye a abonanyehn bo ewubu ane abal '12,'

<sup>10</sup> etoono ebra gbo tub Jakur, abon ebe ba nlum, a abonanyehn bo ewubu ane abal '12,'

<sup>11</sup> etoono ebni, gbo tub Ijiri, abon ebe ba nlum, a abonanyehn bo ewubu ane abal '12,'

<sup>12</sup> etoono eblon gbo tub Netania, abon ebe ba nlum, a abonanyehn bo ewubu ane abal '12,'

<sup>13</sup> go etoono ebrakera gbo tub Bukia, abon ebe ba nlum, a abonanyehn bo ewubu abal '12,'

<sup>14</sup> go ebsehma gbo tub Jesarela, abon ebe ba nlum, a abonanyehn bo ewubu ane abal '12,'

<sup>15</sup> go ebnehkeni gbo tub Jesaya, abon ebe ba nlum a abonanyehn bo ewubu ane abal '12,'

<sup>16</sup> go ebsehmwubu gbo tub Matania, abon ebe ba nlum, a abonanyehn bo ewubu ane abal '12,'

<sup>17</sup> go ebwubu gbo tub Semei, abon ebe ba nlum, a abonanyehn bo ewubu ane abal '12,'

<sup>18</sup> go ebwubu ajehng gbo tub Ajarel, abon ebe ba nlum, a abonanyehn bo ewubu ane abal '12,'

<sup>19</sup> go ewubbal gbo tub Hasabia, abon ebe ba nlum, a abonanyehn bo ewubu ane abal '12,'

<sup>20</sup> go ewubura gbo tub Subayel, abon ebe ba nlum, a abonanyehn bo ewubu ane abal '12,'

<sup>21</sup> go ewubu eni gbo tub Matitaya, abon ebe ba nlum, a abonanyehn bo ewubu ane abal '12,'

<sup>22</sup> go elku gbo tub Jerimoti, abon ebe ba nlum, a abonanyehn bo ewubu ane abal '12,'



<sup>23</sup> go elku ajehng gbo tub Hananiya abon ebe ba nlum, a abonanyehn bo ewubu ane abal '12,'

<sup>24</sup> go elku ebal gbo tub Josibekasa abon ebe ba nlum, a abonanyehn bo ewubu ane abal '12,'

<sup>25</sup> go elku era gbo tub Hanani abon ebe ba nlum, a abonanyehn bo ewubu ane abal '12,'

<sup>26</sup> go elku eni gbo tub Maloti, abon ebe ba nlum, a abonanyehn bo ewubu ane abal '12,'

<sup>27</sup> go eltahl gbo tub Eliata, abon ebe ba nlum, a abonanyehn bo ewubu ane abal '12,'

<sup>28</sup> go eltahl ajehng gbo tub Hotir abon ebe ba nlum, a abonanyehn bo ewubu ane abal '12,'

<sup>29</sup> go eltahl ebbal gbo tub Gidalti abon ebe ba nlum, a abonanyehn bo ewubu ane abal '12,'

<sup>30</sup> go eltahl ebra gbo tub Mahajioti, abon ebe ba nlum, a abonanyehn bo ewubu ane abal '12,'

<sup>31</sup> go eltahl ebni gbo tub Romamti-Ejer, abon ebe ba nlum, a abonanyehn bo ewubu ana abal '12.'

## 26

### *Abab'baabe Ati Mbu*

<sup>1</sup> Nyabe nyi abab'baabe nti abuga: bomo go ebangenahb ji Kora: Meselomiya, mmon no nlum no Kore, mmon awohng no abon ba Asafi.

<sup>2</sup> Meselomiya bele abon ba nlum: Jekaria wo bo gbo mbang jel-e, Jediyel jol etoono, Jebadiya jol etoono ane ara, Jatiniel jol etoono ane ani.

<sup>3</sup> Elam jol etoono ane alon, Jehohanan jol etoono ane arakara, fvfo Eliehoenayi jol etoono ane asehma.

<sup>4</sup> Obed-Edom tob bele abon ba nlum: Semaya wo bo gbo mbang jel-e, Jehojabad jol etoono,

Joa jol etoono ane ara, Saka jol etoono ane ani, Netanel jol etoono ane alon,

<sup>5</sup> Amiyel etoono ane arakera, Isaka etoono ane asehma, fvfo Peuletaya wo jol etoono ane anehkeni. Tib Esowo fuulu Obed-Edom.

<sup>6</sup> Obed-Edom mmon ewe no nlum Semaya tob bele abon ba nlum ba jolo atubesi go nnahba ndea bo, tib bo jol aneblum ba abon elfvrv.

<sup>7</sup> Abon ba nlum ba Semaya: Otni, Refael, Obed a Eljabad; Abonanyehn ebe, Elihu abola Semakiya bo tob jolo abon elfvrv.

<sup>8</sup> Bo jia kpee bo lohng go nlaaga nyi Obed-Edom; bo a abon ebo ba nlum ba go abonanyehn ebo bo jolo anebe elfvrv bo bele eko ji eltum alimi, et'tohngo ji Obed-Edom bo kpee bo jolo ane atahlara ane abal '62.'

<sup>9</sup> Meselomiya bele abon ba nlum, a abonanyehn bo jolo anebe elfvrv, bo kpee bo jolo elku ane ara '18.'

<sup>10</sup> Hosa nnea Merari bele abon ba nlum: Simri wo jolo ngbokambang, jol ye sang bo gbo mbang jel-e, nde wo yehk-e re á jol ngbokambang,

<sup>11</sup> Hilkiya wo jolo etoono, Tabalia jol etoono ane ara, fvfo Jekariya jol etoono ane ani. Abon ba nlum ba Hosa a abonanyehn bo kpee bo jolo ewubu ane ara '13.'

<sup>12</sup> Nlohng nyia nyi abab'baabe ati abuga, sehng goji atubesi ebo, bele eltum ni ellimi go etahk Jehova, ana abonanyehn ebo bele eltum.

<sup>13</sup> Bo tubu elfaange ka eti mbuga ajehng ajehng, ana ebangenahb ebo jolo no, ajangkun a ak'kulu ane.

<sup>14</sup> Elfaange ni eti mbuga ji ero nfam gbo tub Selemiya. Fvfo bo tubu elfaange ka Jekaria

mmon ewe no nlum, ntubu elle no jo sahb k'kahn, fvfo ye wo elfaange ni eti mbuga ji ejang ebobkal nfam gbo tub-e.

<sup>15</sup> Elfaange ni eboblum nfam gbo tub Obed-Edom, fvfo elfaange ni etahk nsol akuuru gbo tub abon ebe ba nlum.

<sup>16</sup> Nfaange nyi eti mbuga ji erede nfam a eti mbuga ji Saleketi go nwahre nwahre a mbang gbo tub Sufim abola Hosa.

Mbab'baabe jolo o jo baabe.

<sup>17</sup> Nlaaga nyi Levi jolo ane arakera '6' jo baabe eti mbuga ji ero nfam efung efung, ane ani go eti mbuga ji ebobkal nfam go efung abehng, ane ani go eti mbuga ji eboblum go efung abehng, fvfo ane abal ngare ngare anyehng go etahk nsol akuuru.

<sup>18</sup> Ana nlaaga nyi jolo feere erede nfam, jolo ane ani go mbang, ane abal go yefono nlaaga.

<sup>19</sup> Bo jia a ba jolo nlong anebe eltum bo ba jo baabe nti abuga, bo ba lohng et'tohngo ji Kora a ji Merari.

### *Akuuru Akpohko A Atubesi Ntum Bako*

<sup>20</sup> Abonanyehn ebe anebe Levi, jolo ka bo re, bo jo kuuru akpohko nya etahk Esowo, fere jo kuuru nsol nyi bo yake ka Esowo.

<sup>21</sup> Et'Stohngo ji Ladan, bo ji jolo anebe Gerson sehng goji Ladan bo ji li atubesi abangenahb nya Ladan nne a Gerson, bo jolo Jehieli,

<sup>22</sup> abon ba nlum ba Jehieli, Jetam a mmonan-nyehn ewe Joel. Bo ba jo kpur akpohko akuuru go etahk ji Jehova.

<sup>23</sup> Bomo go ebangenahb ji Amram, ebangenahb ji Ijar, ebangenahb ji Hebron, a ebangenahb ji Uziel:

<sup>24</sup> Sebusel ji long go ebangenahb ji Gersom mmon no nlum no Mosis, ye wo jolo ntubesi no akpohko akuuru.

<sup>25</sup> Abonanyehn, sehng goji Elieje: Rehabiya mmon ewe no nlum, Jesaya mmon ewe no nlum, Joram mmon ewe no nlum, Jikri mmon ewe no nlum, a Selemoti mmon ewe no nlum.

<sup>26</sup> Selemoti a abonanyehn bo ba jo kuuru nsol kpee nyi bo yake kak Esowo go ebo sehng goji Ntul a Devid, sehng goji atubesi abangenahb bo ji jo fili ane atahltahl k'kunu a bo ji jolo atubesi jo fili ane atahl alon k'kunu, fvfo a atubesi nsoja nyako.

<sup>27</sup> Nsol nyimongo nyi bo daa go ebta, bo bumu bo saange ka re bo ko tuungu etahk Jehova.

<sup>28</sup> A ejum ajehng ajehng ji Samwel ny'yehne yake ka Esowo, ji Sol mmon a Kisi no nlum, Abner mmon a Ner no nlum, a Joab mmon a Jerua no nlum, a nsol kpee nyi bo yake no ka Esowo jolo go abo nya Selomiti a abonanyehn.

<sup>29</sup> Go nlaaga nyi Ijar: Kenaniya a abon ebe ba nlum, bo ka bo ntum go nyi ki jol o etahk Esowo, re bo jol atubesi a abalamalam ka anebe Isreel.

<sup>30</sup> Go nlaaga nyi Hebron: Hasabiya a abonanyehn ebe, abon elfvrvr jolo ane atahltahl nkpel ebal atahlawubu budu ane atahltahl atahlku '1,700,' bo ba jo kpur anebe Isreel ba erede aya Jodan go ntum kpee nyi Jehova a ntul aloko.

<sup>31</sup> Ana nlaaga nyi Hebron, Jeria wo jolo nnenkul

a ebangenahb toono go ebo et'tohngo ana bo kake go awer nya ebangenahb. Ejum nnya atahlabal nyi Devid ma fili ejahbe, bo f'feede awer seb kahn re abon elfvrv jolo go ellong anebe nlaaga nyi Hebron, go Jaje ji Gilead.

<sup>32</sup> Jeriya bele abonanyehn, atahltahl nkpel ebal atahlawubu nkpel atahlawubu budu anea atahltahl atahlku '2,700' bo ji jolo abon elfvrv a atubesi ebangenahb, fvfo Ntul a Devid kake bo re bo jo kpur nlaaga nyi Ruben, nlaaga nyi Gad, a ejang nlaaga nyi Manase go ejum ajehng ajehng ji li bade Esowo, a nsol nyehka nyehka nyi li bade ntul.

## 27

### *Ntum Nyi Atubesi Nsoja*

<sup>1</sup> A wo li nwer nyi anebe Isreel nyi tibi bade atubesi abangenahb, atubesi ba jo fili ane atahlanku a nku, a ba jo fili atahl alon alon, a atubesi ebo, bo ji jo loko ntul go nsol kpee nyi li bade nlong nsoja nyi jo lim eltum go nnyahnga nnyahng go elya kohro kohro. Ellong anehng anehng jo jolo ane atahl alon alon nkpel atahlawubu budu ane atahlabal '24,000.'

<sup>2</sup> Nne no jolo ka ngbokambang ellong, fvfo go ngbokambang a nnyahng bo jo lung-e re, Jasihobeyam mmon no nlum no Jabdiyel jolo ane atahl alon alon nkpel atahlawubu budu ane atahlabal '24,000.'

<sup>3</sup> Á lohng go nlaaga nyi Pereji, ye wo jolo ntunesi a nsoja kpee go ngbokambang a nnyahng.

<sup>4</sup> Nne no jolo ka etoono ellong go etoono nnyahng, bo jo lung-e re Dodayi nnea nlaaga nyi Ahohi: Mikloti wo jolo ntubesi ege ellong, bo jolo ane atahl alon alon nkpel atahlawubu budu ane atahlabal ege ellong '24,000.'

<sup>5</sup> Ntubesi a nsoja no etoono nnyahng era bo jo lung-e re, Benaya ji mmon no nlum no Jehoda ji nlimajom. Ye wo jolo ntubesi, bo jolo ane atahl alon alon nkpel atahl ewubu budu eltahla ane ani ege ellong '24,000.'

<sup>6</sup> Benaya wo a, ji jolo etahntahn ntakuru go ellong ni eltahla nsoja ewubu '30,' ye wo jolo etahntahn ntubesia nsoja. Amijobad mmon ewe no nlum wo jolo ntubesi ka ellong ene.

<sup>7</sup> Go nlong eni go nnyahng eni, Asahel ji mmonannyehn a Joab; mmon ewe no nlum Jebadiya wo woongo asi enye. Bo jolo ane atahl alon alon nkpel atahlawubu budu ane atahlabal ege ellong '24,000.'

<sup>8</sup> Go nlong elon go nnyahng elon, Ntubesi bo jo lung-e re Samhuti nne a Ijara, bo jolo ane atahl alon alon nkpel atahlawubu budu ane atahlabal ege ellong '24,000.'

<sup>9</sup> Go nlong erakera fvfo go nnyahng erakera, Ira mmon no nlum no Ikesi nnea Tekoa wo jolo ntubesi bo jolo ane atahl alon alon nkpel atahlawubu budu ane atahlabal ege ellong '24,000.'

<sup>10</sup> Go nlong esehma fvfo go nnyahng esehma, Heleji nnea Pelon, ye ji lohng go nlaaga nyi Efrayiim wo jolo ntubesi, bo jolo ane atahl alon alon nkpel atahlawubu budu ane atahlabal ege ellong '24,000.'

<sup>11</sup> Go nlong enehkeni fvfo go nnyahng enehkeni Sibekaya nnea Husa no lohng go nlaaga nyi Jera. Ye wo jolo ntubesi, bo jolo ane atahl alon alon nkpel atahlawubu budu ane atahlabal ege ellong '24,000.'

<sup>12</sup> Go nlong esehmwubu go nnyahng esehmwubu, Abiejer nne Anatoti ji lohng go nlaaga nyi Benjamin, ye wo jolo ntubesi, bo jolo ane atahl alon alon nkpel atahlawubu budu ane atahlabal ege ellong '24,000.'

<sup>13</sup> Go nlong ewubu go nnyahng ewubu, Maharayi nnea Netofa, á lohng go nlaaga nyi Jera, bo jolo ane atahl alon alon nkpel atahlawubu budu ane atahlabal ege ellong '24,000.'

<sup>14</sup> Go ewuba ellong anehng, ewubu a nnyahng amehng, Benaya nnea Piraton, ye ji lohng go nlaaga nyi Efriim, ye wo jolo ntubesi, bo jolo ane atahl alon alon nkpel atahlawubu budu ane atahlabal ege ellong '24,000.'

<sup>15</sup> Go ewuba nlong ebal go ewuba nnyahng ebal, Hedayi nnea Netofa ye ji lohng go eban-genahb ji Ot'niel, bo jolo ane atahl alon alon nkpel atahlawubu budu ane atahlabal ege ellong '24,000.'

### *Atubesi Ba Alaaga*

<sup>16</sup> Atubesi ba alaaga nya Isreel: go nlaaga nyi Ruben: Elieje mmon no nlum no Jikri; Go nlaaga nyi Simeon: Sefatiya mmon no nlum no Maka;

<sup>17</sup> Go nlaaga nyi Levi: Hasabiya mmon no Kemuel; Go nlaaga nyi Eron: Jadok wo;

<sup>18</sup> Go nlaaga nyi Juda: Elihu mmonannyeahn no Devid wo; Go nlaaga nyi Isaka: Omri mmon no nlum no Maekel;

<sup>19</sup> Go nlaaga nyi Jebulun: Isimayiya mmon no nlum no Obadiya; Go nlaaga nyi Nafitali: Jerimoti mmon no nlum no Ajarel;

<sup>20</sup> Go alaaga nya anebe Efriim: Hoseya ji mmon no nlum no Ajajia; Go ejang nlaaga nyi Manase: Joel mmon no nlum no Pedaya;

<sup>21</sup> Go ejang nlaaga nyi Manase go Gileyad: Ido mmon no nlum no Jekariya; Goji Benjamin: Jaasiyel mmon no nlum no Abner;

<sup>22</sup> go nlaaga nyi Dan: Ajarel mmon no nlum no Jeroham. Ane baa ba jolo atubesi go at'tohngo nya anebe Isreel.

<sup>23</sup> Devid fangem aneblum ba ma kang rehng nnya eltahl '20,' afii rede sehng ano, tibre Jehova ebnyam re á bahke limi Isreel bo rur are alonlo nya li go elbung.

<sup>24</sup> Joab mmon no nlum no Jeruaya bomo aneblum go elfange, á fangem mal. Erakatahng ji Esowo gbo tub Isreel go eyaame ji ane afange, fvfo nfange nyio bo kakem go nwer aka nya Ntula Devid.

### *Atubesi Abalimeltum Go Elwo Ni Devid*

<sup>25</sup> Ajimaveti mmon no nlum no Adiyel wo jolo ka ntahk nsol akuuru nyi etul. Jonatan mmon no nlum no Ujiya wo jolo ka ntahk nsol akuuru nyi jolo arohko nya nfam ajahbe, a abon ajahbe ba nse go akahmbungubungu ntahk nyi ab'baabe kpo kuumu.



<sup>26</sup> Ejiri mmon no nlum no Kelub wo jo kpur anebe eltum ba jo bahm ndi.

<sup>27</sup> Simeyi nnea Rama jolo ka edi egbe agrab. Jabdi nnea Sefam jolo ka akab nti nya jo lohng egbe agrab, nya bo jo ko lim amahm.

<sup>28</sup> Bal-Hanan nnea Gederi wo jolo ka oliv a sikamo nti afik go erede abangenahb awong. Joasi wo jolo ka akehng oliv alimi fere jo bak.

<sup>29</sup> Sitrayi nnea Saron wo jolo ka atohkondi aleke go Siharon. Safati mmon no nlum no Adliya wo jolo ka atohkondi aleke go adamme.

<sup>30</sup> Obil nnea nlaaga nyi Isimayel wo jo kpur akamel. Jedeya nnea Merono wo jo kpur ebvankang.

<sup>31</sup> Jajiji nnea nlaaga nyi Haga wo jolo ka atohkondi akpuru. Ane baa kpee ba jolo atubesi eltum ka nsol Ntula Devid.

<sup>32</sup> Jonatan mmonannyehn ndea Devid wo jolo ntubelle, ebangbang nne g'ga, á tob jolo nyon-awer. Jehiel mmon no nlum no Hakmoni ye jo kpuru abon ntul ba nlum.

<sup>33</sup> Ahitofel jolo ntubelle no ntul. Husayi nnea nlaaga nyi Arak jolo nne no ntul jo bum-e go etingitingi.

<sup>34</sup> Jehoadá mmon no nlum no Benaya abola Abiata bo ba ko nji nyi Ahitofel. Joab wo jolo ntubesi a nsoja nyi ntul.

## 28

### *Ana Devid Toobo Bade Etahk Esowo*

<sup>1</sup> Devid kehm kuku atubesi eltum kpee go Isreel re bo ba kono go Jeusalem: atubesi ba at'tohngo,

atubesi ba nlong nyi kpo loko ntul, atubesi ba kpo fili nsoja atahlatahla nku a nku, a ba kpo fili nsoja atahlalon alon. go atubesi ba li ka nsol nlaaga kpee a atohko ndi nya li ka ntul a abon ebe ba nlum, budu atubesi ba ekpasiki, atakuru aneblum kpee ba kpo nok ebta a asahb asahb nsoja.

<sup>2</sup> Ntula Devid kehm mehle yiimi, kehm bungu re: <<Wuung-m wahn atung, anebe Isreel ebame, ane ebame. Jol-m go eltim re, me n si etahk ana edi rekekv ji elkohl ni nwongo nyi Jehova, go etikunakpade ji Esowo ebahre, fvfo me n toobo ebjing re me n si.

<sup>3</sup> Wo, Esowo tong-m re, <Wo sang bahke sehke etahk ka mbing enyame, tibre wo ntakuru nyi, fvfo wob faade alung gbalee.>

<sup>4</sup> <<Fvfo Jehova Esowo bi Isreel, yehke me egame ebangenahb kpee re, me n jol ntul ka Isreel go njinanjini. Á yehke Juda ana ntubesi, go et'tohngo ji Juda á yehke ebangenahb enyame goji abon ba nlum ba nsoo, owo yeb-e no re, á lim-m me n jol ntul ka Isreel kpee.

<sup>5</sup> Go abon ebame ba nlum kpee, fvfo Jehova kaam bo gbalee, yeb yehke Solomon mmon ewame re á ji eti nji etul nyi Jehova ka Isreel.

<sup>6</sup> Á tong-m rea: <<Solomon mmon ewa no nlum ye wo bahke sehke etahk ejame a nlaaga enyame, tib m me-e yehke re á jol mmon ewame fvfo m bahke jolo nde no ewe.

<sup>7</sup> M bahke limi etul ebe yiimi go njinanajini, á l'fere kunu ekpu jo bum nkahn enyame a atahm enyame ana bo kp'limi a ngare nya.>

<sup>8</sup> <<Anv n kpa-a rehke go esamahr Isreel kpee a ane ba ma ba kono a, ka Jehova, fvfo go elwuku ni Esowo ebahre kp'wuku: Kunu ekpu wo toono atahm nya Jehova kpee, ye ji li Esowo eba, eji á l'ko nnoobo a ndi nyia, fere yake ka abon eba ana ejum elehkelkv go njinanjini.

<sup>9</sup> <<Fvfo wo Solomon mmon ewame no nlum kahn Esowo bio bi nso ewa, wo lok-e a eltim eltim kpee, yake elna ka a ntir nyi kpa-a koro re wo lim, tib Jehova wo kpo rab eltim anehng anehng fere kahn ekor ajehng ajehng a ntir anyehng anyehng. A l'seb-e a bahk-e nyehne; wo a l'fere ten-e á bahk-a tob ten go njinanjini.

<sup>10</sup> Tir anv, tib Jehova ma-a yehke re wo si etahk ana edi ji li saang. Bel atahne wo lim eltum nio.>>

<sup>11</sup> Owo Devid kehm kake Solomon mmon ewe no nlum ntoobo nyi li bade etahk Esowo go elsehke, akp'kpa nsol akuuru, ero etahk, akp'kpa nya atahng, a Edi ji Sab L'li Saang ji li edi elkoono alimi.\*

<sup>12</sup> Á ka-e ntoobo kpee ana Etohko ji li Saang kak-e ege a ntir, ana nlaaga etahk Jehova, a anyo akp'kpa kpee nya bahke jolo senngé kak, edi nsol akuuru etahk Esowo, a edi ji bo bahke kuuru nsol nyi bo ma yake kak Jehova go ebo.

<sup>13</sup> Á tubu Solomon elle ana abalimajom bahke yabe a anebe Levi, a eltum kpee ni bo bahke jo loko etahk Jehova, budu fvfo a ajoobo nsol nyi bo bahke jo ko loko eltum.

<sup>14</sup> Á gabe ellubu ni agul go agul kpee nya bo bahke limi ajoobo nsol nya bo bahke jo ko loko

---

\* **28:11 28:11** edi Esowo agohngo

eltum ajoobo adi, a ellubu ni asilva go asilva kpee nya bo bahke limi ajoobo nsol nyi bo bahke jo ko loko ajoobo nloko,

<sup>15</sup> ellubu ni agul nya bo bahke koko agul lim nti anyaaale a yefono anyaaale, ellubu ni eti ajehng ajehng a anyaaale ebo, fvfo ellubu ni asilva go eti enyaaale ji asilva a anyaaale enye, toono ana enyaaale ajehng ajehng bo bahke jo lim a ji,

<sup>16</sup> ellubu ni agul nya bo bahke koko lim ekpukuru ajehng ajehng ji ebred ji li saang, ellubu ni asilva nya bo bahke koko lim akpukuru asilva,

<sup>17</sup> ellubu ni nyamyam agul nya bo bahke koko lim agbehm atake, akpeeke nya alung akake madde a ntuku, ellubu ni agul nya bo bahke koko lim ngbojok agul anyehng anyehng ellubu ni asilva nya bo bahke lim ngbojok asilva anyehng anyehng,

<sup>18</sup> a ellubu ni agul nya bo ma tuungu lim re bo ko lim egudu njom ji bo bahke kake ainsen jo teebe. Á tob ka-e ntoobo bade mmvtv akuungu, ji re, serubim agul nya bahke nyange akpungkpung ebo konngo elkohl ni nwongo nyi Jehova.

<sup>19</sup> David bungu re, <<Nyaa kpee, M bele go elnyono ana ebo bi Jehova kuumem no, ye wo ma lim re me n ka ntoobo etahk jia go ntooranti.>>

<sup>20</sup> Devid tongo Solomon mmon ewe no nlum re, <<Bel atahne wo bel esahb lim eltum nia. Ka fahl jol abo ki-a woono tib Jehova Esowo, Esowo ebame li a na. Á wa-a nehm kane, jol á wa-a nehm ten, tete eltum Etahk ni Jehova ji li Saang mal.

<sup>21</sup> Elyabe ni abalimajom a anabe Levi ebjol

kp'siki na eltum kpee ni Etahk Esowo ji li Saang, fvfo nne awohng awohng no kp-e koro, bo ji li anebe agb'gbe bo kak-e ebo go eltum kpee. Atubesi eltum kpee a ane baka jo bum nkahn enya anyehng anyehng.>>

## 29

### *Nsol Nyi Bo Ka Re Bo Ko Si Etahk Esowo*

<sup>1</sup> Owo Ntul a Devid kehm tongo ane kpee ba kono o re, mmon ewame no nlum Solomon, ye ji Esowo me-e yehke, á li mmonjangkun elkahne á ka bel. Eltum kp'gbale, tibre ekpasiki jia limm ka nne li ka Jehova Esowo.

<sup>2</sup> Go egame enohk kpee, me n toobo ejum ajehng ajehng bum ka elsehke etahk Esowo ebame, re agul jol ka eltum agul, asilva jol ka eltum asilva, abilekpi jol ka eltum abilekpi, akuungu jol ka eltum akuungu, nti jol ka eltum nti, tob li ano ka atal anisi re bo ko soongo, atal tukwesi, atal nya kpi ajoobo agane, a ajoobo atal kpee go nkohn a nkohn, a elkohn anoobo atal, go atahntahn abare atal, nyaa kpee ebluuku egburu ebim gb'gbal.

<sup>3</sup> Nyao l'jo go nkpe, tibre n kaa eltim ename kpe kpe go eltum ni etahk Esowo ebame, go egama nsol, me n ka agul a asilva go etahk Esowo ebame, sehng e ejum ajehng ajehng ji m ma toobo ka etahk jia ji li saang,

<sup>4</sup> akilo agul jolo atahltahl nkpel ebal atahlawubu go nkpel atahla alon '100,000' agul nya ofir, a akilo asilva jolo atahltahl nkpel ebal atahlawubu go nkpel atahlawubu budu akilo

asilva atahlku '230,000,' nyaa, nya bo bahke koko kpeelee akahme etahk jio,

<sup>5</sup> li ka eltum agul a eltum asilva, go eltum kpee ni anebe agb'gbe. Anv ane abaa kpi bo kor re, bo yake elbo ka Jehova lela?>>

<sup>6</sup> Owo atubesi ba abangenahb, atubesi ba at'tohngo nya Isreel, atubesi nsoja ba jo fili nsoja atahl alon alon nkpel ewubu k'kunu, a ba jo fili nsoja atahl alon alon k'kunu, go atubesi ba jolo ka eltum ntul, bo ka go eyebatahng.

<sup>7</sup> Bo ka tib esi eltum etahk Esowo, ekilo agul atahltahl nkpel ebal atahlawubu nkpel atahlalon budu atahltahahl atahlawubu a egul atahlabal ewubu, '165,000,' ekilo asilva atahltahl nkpel ebal atahlawubu nkpel atahlku budu esilva atahlku, '330,000,' ekilo abilikpi jolo atahltahl nkpel ebal atahlawubu nkpel atahltahl atahlawubu, '600,000,' a akuungu jolo emilon ekilo ekuungu era budu ekuungu atahltahl nkpel ebal atahlawubu nkpel atahlku, '3,300,000.'

<sup>8</sup> Nne awohng awohng no bele atal nya nno ano koo ba ka edi ekuuru nsol etahk Jehova, jolo go abo nya Jehiel nnea Gerson.

<sup>9</sup> Koro ane sehng go ellimi ni atubesi ebo limi no, tib bo ka fanng e ntim ebo kpee ka Jehova. Devid ji ntul tob bele eyebatahng gbalee.

### *Ero Bi Devid Kake No*

<sup>10</sup> Devid tehke Jehova go esamahr ane kpee ba kono o rea, <<Eltehke jol ka wo, Jehova, Esowo bi nsoo ewahre Isreel, bomo go njinanjini song rehng go njinanjini.

11 Jehova, a kp'gbale a nsahm, ellub, agbal, a ekpunu. Ejum ajehng ajehng ji li ejahbetul a ndi, wo wo kpi. Etul b'ba wo Jehova, wo wo bo ma-a mehl wahre ana esi, go nsol kpee.

12 Afang a ekpunu lohng go ega; wo wo li n f'fili no ejum ajehng ajehng kpee. Ega abo wo atahne li no a nsahm nyi kpo mehle nne wahre, fvfo kpo ka ane atahne kpee.

13 Anv Esowo ebahre, e kpa-a kake saam fere tehk mbing enya nyi kpi ellub.

14 <<Wo me elkohn nne woo, fvfo ane abaa li ane ebame, ba bahke ma ka wehr abo ana? Ejum ajehng ajehng lohng go ega, fvfo wahr ebka ji lohng ega ebo.

15 Wahr ajahmjahm nya a ajenne ega ejang, ana babnsoo ewahre tob jol, Afung enyahre a njini li are atohko nti nya, ekunukpu e kpimm.

16 Jehova Esowo ebahre, nsol nyia gbalee nyi e ma toobo re bo ko si etahk ka mbing enya nyi li saang, lohng ega ebo, fvfo nyaa kpee li ka wo.

17 N kp'kahne, Esowo ebame re, wo wo kpo wuungu eltim, kpo yeb-a sehng bade eltim ni li tor tor. Nsol nyia kpee me n ka go eyebatahng a eltim ni li reed. Anv me n nyehn go eyebatahng ana ane eba baa ba li a, ma-a ka a ntim ebo kpee.

18 Jehova Esowo bi bab nsoo ewahre, Ebrahim, Isak, a Isreel, bum ekor jia go ntim ane eba go njinanjini, fvfo bum ntim ebo rede rede ka elna.

19 Fvfo ka Solomon mmon ewame no nlum eltim kpee ni á bahke yake elne ka jo bum nkahn enya, atahm enya, a ntibi jo lim ejum ajehng ajehng jo si ekpasiki etahk jia ji m ma toobo nsol bum.>>

20 Owo Devid kehm tongo ane kpee ba kono o re,<<Tehken Jehova Esowo ebahne.>> Owo bo kpee kehm tehke Jehova Esowo bi bab nde ebo, bo gongo ndi tanne elbo ka Jehova a ntul.

### *Bo Liingi Solomon Ana Ntul*

21 Njahmfungfu bo limi ajom ka Jehova, fere tob lim ajom nya eljahme fi ka-e, efong atahl alon alon edi ebwubu '1,000,' ekom atahl alon alon edi ebwubu '1,000,' a ejoro jolo atahl alon alon edi ebwubu '1'000,' budu ayare nya elwoko, a ajomjom nyako gb'gbal go esi ji anebe Isreel kpee.

22 Bo li fere, w'wo go eyebatahng go esamahr bi Jehova efung bio. Owo bo kehm liingi Solomon mmona Devid no nlum ana ntul etoono nkpele, kak-e akehng go elbohngo ni Jehova re á jol nf'fili, fvfo Jadok jol nlimajom.

23 Ano wo Solmon jii eti etul ji Jehova ana ntul go enyo ji nde Devid. Nobo a ne, Isreel kpee jo wuk-e wuk.

24 Atubesi ntum kpee a atakuru, fvfo budu abon ntula Devid ba nlum kpee rede elbo fere taame re bo bahke woomo Ntula Solomon go elwo.

25 Jehova sahb m'mehl Solomon wahre go ejang bi Isreel kpee, fere ka-e ekpunu go ege eti etul ji ntul awohng awohng go Isreel kala b'bel.

### *Elkv Ni Devid*

26 Devid mmona Jese no nlum jolo ntul ka Isreel kpee.

27 Á fili Isreel go nnya atahlabal '40,' nnya esehma '7' go Hebron fvfo eltahl a nnya ewubu a nnya era '33' go Jeusalem.



<sup>28</sup> Á kpoo go nnoobo ekul bi nno, á bele nlaabe elkpín ni nsol nobo a ne, afang a ekpunu. Solomon mmon ewe no nlum wo woongo asi enye ana ntul.

<sup>29</sup> Nsol nyi limi no ngare efili ane ji ntul a Devid, bomo mbomannahb tete rehng elkohro, bo nyono kak awer nya Samwel ny'yehne, awer nya Natan nnyehnamahr a awer nya Gad ji ny'yehne,

<sup>30</sup> budu efili ane eje go ntooranti a nsahm, go ajahkjahk nsol nya jolo senng-e kak a Isreel go etul kpee bi ajahbe nyako.

## **Ekajuk Scriptures Bible Portions**

### **Ekajuk: Ekajuk Scriptures Bible Portions (Bible)**

copyright © 2024 Luke Initiative for Scripture Translation and The Seed Company

Language: Ekajuk

Contributor: Luke Initiative for Scripture Translation

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

---

PDF generated using Haiola and XeLaTeX on 1 Jul 2025 from source files dated 2 Jul 2025

fac6af8a-bed4-59a3-a152-52e0061121a4